

石倉詩稿

武林稿

丙午卷之

晉安曹學佺能始著

新安汪道會仲嘉閱

曾孫岱



龍江關吳非熊林茂之吳明遠宿別共韻
旅泊猶依寺離情重出關友朋俱已散之子未
言還京口明朝渡盧龍此夜山相思值潮水應
得寄潺湲

真州過潘穉恭園館二首

逸士夙命駕千里爲相思矧此江之水與子有

深期舟途戒云始朋侶未乖離晨起涉波濤揚
帆何其危夜與故人遇中心旋覺怡朔風一何
疾忽然自南來尊酒且爲樂詎在亟云歸揆之
行與止兩者非所宜但當適志意焉用炳先
龐公不入城子猷深好竹夫苟固斯誓烏能諧
所欲適舍閒以清浴徑紆而曲寒池畱夏潦餘
花表冬燠智者契在水愚叟名其谷出門逢斯
人可以澹榮辱予懷千里道彼戀一邱足儻從
仲尼游老圃請可學

題李季宣閣上

十年相遇長安陌一片燕臺雪花積三載南遷
到秣陵六月長江吹鬱蒸之南之北無定邊一
寒一暑成幾年曾爲秦岱峰頭客濟上縮符應
咫尺恨不齊歌飲魯酒空觀秦松與漢栢此日
踟躕思海嶠過向邗江問漁釣子爲陶令歸去
來我迺馮唐甘不調有才固非百里流祇合高
臥百尺樓山色烟雲何變幻江湖旦莫詎淹畱
結交四海盡風期舟帆來往密如絲此間但有

名下士便當來賦樓中詩

宿范東生池上二首

白下思千里吳門到一尋
預知片榻上緩我故園心
良夜不復寢清霜時在襟
除將杯酒外直許是長吟

宴坐已終日其如言別難
鐘聲來寺靜池水落霜殘
似有一村遠冷然雙樹寒
不知歸客棹猶自泊河干

過沈從先

幾度過吳苑情親問所居
相依昔日久但覺此時疎
踪跡飄蓬外詩篇脫草餘
自知苦不足於子意何如

答別徐仲容

海內論交誰屈指姑蘇之地有徐子
漫云心許延陵劔須知目攝長安市
回頭已是十年餘相見其樂當何如
不因下榻爲傾倒好自閉門長著書
杯酒寸心猶未竟揮灑長歌出相贈
詩中莫漫誇我才別後祇是憂君病
此時相別若爲

情客路梅花春又生吳王宮裏連湖白鄧尉山
中似雪明君若愛其貞素質相逢堪贈結交行
徐季長邀遊天池舟中阻風作

徐卿邀我遊天池飛廉大叫驅馮夷詎論支公
養馬澗難渡吳王鬪鴨陂客興何清絕勝緣嗟
薄劣錦帆涇裏帆避風百花洲上花飛雪河伯
自作意不與海若遊禹王震澤疑未定伍相長
江怒尚浮白浪失蛟龍荒臺走麋鹿驛前古道
無人行岼傍虛舟漫相觸嬾聞少嬾彈箜篌但
把酒徒汎醞醪君不見野夫興長畏日速就飲
人家貪信宿

遇徐鳴卿

同門稱我友異地遇夫君十載茲晨接清言到
夜分武林寒度雪燕市遠看雲何恨新詩興
人未可聞

初到虎林遇黃貞父貞父卽往吳興

武林相見罷卽欲往吳興兒女方爲累僊舟未
可登携來天目草削就剡溪藤因識近來趣過

從有老僧

臘月朔日聖果寺訪戒山上人

客裏嘉平始山中歲序殘樹呈羣石巧花雨一
江寒明月臨禪壑清霜覆戒壇應知西向咲不
是爲長安

沈伯閣招汎西湖到孤山

歲晏來湖上移舟亦覺閒言從二三子相對一
孤山祇負青牛去誰令白鶴還今年霜雪早莫
問六橋灣

貞父自吳興歸見訪

獨客閉門久故人相會賒清晨思返棹昨夜已
歸家若汎茗溪水應携顧渚茶悠悠何限意及
爾度年華

過貞父宅

聖主徵蘭署幽人問草堂到家無邑俸引帶有
書香花墅湖頭出河橋屋裏藏應憐逢叔度能
使俗情忘

同貞父過定光寺訪明宗上人

林下詢開士蕭然野色闌竹移今日翠松作古
時寒喧市過成寂貪心捨卽檀勿疑聽法處原
是散花灘

夜宿顯教寺 有華嚴徑

橋頭山森森柵口水漸漸月沒來時盡霜濃坐
後添教原分顯密徑自入華嚴今日遊仍息能
於勝地兼

括蒼太守鄭輅思見訪一訊舊遊

今日軒車過長時旅舍扃行春憶梓里滯雪醉
樟亭客驛君應置仙都予舊經縉雲爲綺障麗
水作金屏瀑布霜中折石帆風處停清猿括蒼
嶺白鶴紫芝庭康樂窮幽勝軒轅託杳冥而今
三易葛猶是一浮萍地豈依王粲人非避管寧
還從大夫後爲問少微星

遇甬東太守吳季騶訂普陀之遊

故人方領郡五馬去驂驪季子聲名遠吳公治
行堪樓昏時見旭市曉未開嵐石竇千花出湖
光兩曜含禁庭移桂密仙墨灑桃酣皓隱商聞

石倉詩集卷十八
一臣謀越用三鮑郎空納履賀監已抽簪象教
應樓島鯨音忽沸潭育王湧塔上大士落迦南
欲究無生法還從禮佛龕

寄吳允兆

予去年夢到五臺允兆久抱此志其生亦在閩中故端述之

君欲五臺去天花千葉香語時猶恍惚夢裏得
清涼東嶺疑無地危巔尚逼蒼投身向猊座懸
額是龍堂喜舍金錢會防過雷雨傷入深惟覺
暗瞻頂忽生光水滴千尋下天垂一線長自言
隨北極猶問屬南方何日別茲境此生同故鄉

鴈門徒有雪刷羽不成行

茅孝若餉米戲荅

厭索長安米還來就所親龍蛇厄賢士虎豹讓
饑人好似菜蕪甑徒云汲黯薪媚亾那復巧僕
病轉堪嗔雨雪空飄粉風沙祇作塵耻爲安邑
累寧問洛陽巡乞向謝仁祖求如第五倫脩書
應有待推食豈無因炊異游秦玉糧逾入楚珍
既貪克口腹仍免折腰身

過張維成山居夜宿

錢唐門外潮聲喧昭慶寺前遊侶繁欲向澄湖
蕩桂楫何如僻徑入桑園行行景物轉蕭瑟結
廬其間爲隱逸但聞仲蔚居蓬蒿復道龐公挈
家室四邊野水環旣周時時把釣臨清流到此
詎非剡曲棹登來已是雪中樓欲知客興何清
絕雪霽天清氣逾潔孤塔真成寶粟堆兩峰好
作瑤華屑層陰背日雪消遲却料西溪應倍之
言尋竹色無窮盡忽驚梅蘂紛參差穿雲屢度
寒林裏步月偶聞清梵起始知住壑多幽僧不

問爲隣者誰氏夜闌託宿向梅花歲暮寧愁天
一涯宥與世人逐顏色由來真性重烟霞

同吳德符吳非熊林茂之到雲居寺非熊
茂之旋寓僧房

天寒吳山杳蒼翠山中還有雲居寺寺在雲關
盡日幽一往彌令長禪思我聞釋者曰中峰經
行時暇手栽松松葉松枝漬甘露一卷法華一
株樹卽今松樹長青青世人誰覓中峰路空門
未惜人代徂形勝居然但不殊層房各置巖仍

谷半嶺時分江與湖湖水蕭蕭黯無色祇見寒
波一片白冶游誰復隄上子靜眺故有山中客
客子來時不欲還真性能隨老衲閒歲除應是
梅花裏日落徘徊松樹間漫復相逢歌白水由
來生計在青山

古詩四首茅孝若同賦

淒其歲云暮陽氣將憤盈游子悲物候鬱抑不
獲征誰爲置言念惟我良友生

舟楫戒已豫悠悠涉川水夜行以繼日人泊我
未已所懷喻饑渴欲以慰吾子

人生如石火知者不再計子思在經綸我則耽
文菘相見未盡言言之心逾契

我馬駕以南君馬駕以北詎不一心腸而乃異
行役命運各有時勉之通與塞

立春日過雲居菴訪非熊茂之益公

虎林爲客日鷺嶺復春風山色一朝隔梅花兩
歲同世情紛剪綵禪思合真空應識松扉掩冷
然清磬中

石齋詩集卷一
除夕柬非熊茂之

度嶺穿林境孰如懷人遙望片雲居應知寂寞
禪關裏一樹梅花共歲除

和聞梵

山下層層起暮烟山中一點佛燈然僧家功課
如常事只有朝昏無歲年

聽雨

錢塘門外春潮至微雨瀟瀟夜渡江最是客中
愁絕處不堪欹枕在山窗

元旦旅懷

武林有客自亭

薄宦歲復歲浮生三十三鴈歸幾行北花發一
枝南謝客久相傍嵇康多不堪踟蹰何所適負
却是驂驪

人日同吳非熊吳德符胡仲修徐興公宗

上人林茂之過訪若公蘭若

客居傍僧舍相過意偏清欲究無人相空知此
日名海雲流講席山月照經聲迢遞年華去春
江何限情

石倉詩稿卷十八
西溪看梅短歌

春雲忽渡西溪水溪畔梅花從此始殘僧寂寂
時掩扉微滅禪燈山雨裏山雨逶迤沉暮鐘梅
林此去幾千重渡頭客問餘杭酒衣上雲來天
自峰數年夢想遊天目誰云路接梅花屋今宵
鷺嶺無他夢祇向龍池看飛瀑

詠墨紗燈同吳允兆胡仲修吳德符吳非
熊林茂之分得十灰韻

質裂橫疑水光生薄似苔憑將彩筆畫認作錦
刀裁鳥向空中度花從鏡裏開細看若無力不
畏曉風催

十五夜雨中放歌同諸子分得語字

武林元夕天風雨遊子紛紛氣欲沮錢塘江水
入琴聲吳山蒼翠浮清醕龍口千層空啖啖漁
陽三搗亦楚楚已無明月在今宵何論勝事足
千古且分梅花春色早不然落盡一枝誰寄許
亦有賓客相喧呼不然坐對只是兒與女放歌
行欲何所人生萬事盡如斯時不可出聊當處

春日西湖臨眺四首同吳允兆非熊德符

胡仲修林茂之胡休仲張德懋賦

清曉正佳色春煙開幾層漸黃知柳細逾碧見
湖澄此際獨啼鳥來時同梵僧平隄不覺盡還
問有山登

已是梅花發幽人不可俱客來林下勝山入水
中孤春靜鶯求友年深鶴養雛所懷栖隱意見
此詎能無

乍覺慵扶杖欣然此放舟波光自憐好野趣任

尋幽處處入雲寺家家臨水樓金沙灘可泊歷
盡古隄頭

棲鳥在林樹移舟還復深清風出湖水微月帶
橋陰春樂遞遊目夜歸生澹心松房仍寄宿一
點石燈沉

蕭憲副招遊湖上八韻

闕下捧天書湖邊接使車應知今日會共是十
年餘水合煙光遠峰開雪迹踈兩隄皆樹映片
石有僧居閣倚渾無着舟移亦自如落梅珠半

石倉詩集 卷十八
十二
委垂柳帶偏舒古寺來寒磬春燈出夜漁他鄉
行樂地惟此得躊躇

晦日西湖泛舟同用昆明池體得十五咸

韵

蕩檝臨湖水行杯遡石崑初年矜晦節麗景上
春衫疊浪平于熨浮圖直似剗花駟過冉冉翠
女出慘慘細草輕烟度垂楊落照銜寧須問冀
莢依舊宿松杉

春日過馮開之孤山別墅十韵

太史閒居地孤山有一園雪中期過宿春至不
開門田父詢何客舟人識此村明湖俱在境古
塔獨當軒磴路林間接雲光閣上屯栽花初刈
圃移柳未過垣日落猶啼鳥鐘殘乍嘯猿妝池
虛委黛淚竹已成痕漫許西州醉恒栖峴首魂
平生山水意寂莫與誰論

湖上雜興八首

湖上遊未已借屋將安居旣與阡術背乃視隄
塍紆柳垂漸濛密花開日不疏四鄰多別業隔

石倉詩稿卷十八
水見行車衆皆競馳騫孰肯獨躊躇予樂與之
異恒惜曉夜餘

古木已千祀層樓將百尋潭現金牛影凶開寶
石陰兩峰限南北列洞亦崎嶇咫尺不可盡何
暇遠搜尋夙有好奇癖茲惟樂會心不知山水
緣較之誰淺深

秦王繫纜石葛洪煉丹井戩戩有遺跡輓轡尚
垂綆尋仙固茫昧客游賴成境湖水湛虛明風
光著桃杏鳥鳴如有求魚戲非由警今日不盡

懽陳事已俄頃

故人不可見山水難具論幾日爲吾有典刑猶
能存重湖日滉漾扁舟相對門搖時亂塔影泊
處當樹根俗流曠津濟文士開琴尊苟欲託餘
興何暇知慨怨

秀色若可餐烟波亦堪宅其語嘗聞之舍此恐
難獲春林衆卉繁矚入湖中碧司花有清禁選
樹踰常格禽來競致響鷗逝杪無迹茲意等欣
厭庶不爲物役

客居匪一朝但覺恒有事風日漸悠長三春已
稱季逶迤歷舊堤莊嚴到淨寺香臺自般若法
身爲舍利看花雖不殊遇物多古思斜陽半塔
中羣峰映蒼翠

夜靜步隄上花月豔相嬌佳人去已久馨香隨
風飄悠然觀物態有客魂俱消漁浦吹笛出鷺
嶺鳴鐘交西泠一何遠松柏復蕭蕭宴坐孤山
下乃聞錢塘潮

今古事旣異喧寂途信分詎緣好事少愧我非
揚雲貧客俱來集山僧或相聞舟人慍無酒園
丁笑獻芹湖面微風至花草時紛氲何必杯中
物令人思已醺

送黃貞父北上二首

日在西湖上聞君事北征幾多行樂趣能慰別
離情遠岼移春草芳林接曙鶯仙舟從此達詎
不重聲名

一望長安道浮雲萬里餘但聞新政好誰識故
人跡爲客日無事還家惟讀書此間花正發貪

石倉詩補卷十八
作武陵漁

遇無窮上人因憶去年雪浪之遊

錢塘門外來尋見雪浪山中記得曾欲問春光
誰負却年年花發對殘僧

江上送亾內歸鄉五十韻

予昔聞古語婦歿唯腹悲與卿別終歲不能成
一詞慨念平生好曷嘗暫乖離祇是登臨日便
爲獨處時獨居猶可合永訣應無期昔者諱不
祥而今反罹之不若兒與女幼小未有知不若

奴與僕收淚卽笑嬉厨下有茶湯他人可代爲
心中有苦樂入房還告誰非無慰勉語聞此轉
不怡猶如膏肓病藥石安所施非無新人權未
若故人宜不得心情性徒用飾容儀去歲陽春
日行樂方無違芳草被庭內林花忽以萎黃昏
至夜半棄我疾如馳親戚無一在風雨空淒其
燈輝何黯慘鄰鷄一聲啼徬徨四顧急強止家
人哀開筍誤扃鑰出門惑東西衣衿豈適體膏
沐異畫眉設靈雖如在就木難重窺兒眠尚未

寤客來俱已遲
歿者事甫定
存者恐神虧
相送出郭外
輓歌翼靈輻
旛旒從風捲
笙竽臨路吹
晨征暮不返
孑然寄荒祠
左右皆樹林
先秋動涼颼
燈前集蚊蚋
座上走狐狸
壁暗蝕遺容
草長沒履綦
明月照獨寢
嚴霜入空帷
眷此時節變
多爲物態欺
乞得在官假
與子俱旋歸
大江揚帆去
吳越境逶迤
逶迤幾千里
十載長追隨
來匹往已單
寓目成涕泗
武林歲云暮
三春復如斯
奈何返白門
與子各路岐
非予好淹留
兒女病當治
非予耽宦情
鷄肋誰克遺
昔爲比翼鳥
今爲南北飛
錢塘風濤壯
金華灘石危
閩閩如天上
建水噴流澌
舟子性多忌
役夫力難支
莫比予在日
卿當自護持
遙望故山壠
墳墓中纍纍
予祖卿及事
祖母眷我私
妯娌欣有伴
先姑性尤慈
黃泉且相保
慎勿煩怨咨

女載叔分得晴字

語溪舟中寒食同吳
非熊何玉長林茂之
爲客途中春欲晚
語兒溪上雨初晴
孤魂獨背

錢塘路十載空題粉署名思殺桃花新水漲貪
看楊柳暮煙生已知今日無窮恨何事還添弔
古情

過金明寺

客棹行不息朝朝厭臨水翻愛此清池湛然僧
舍裏

上巳到吳江分得深字

乍過寒食客愁侵復見韶光上巳臨隄樹盡催
鶯轉曉海雲偏逐燕飛深長橋澹澹新煙起震

澤氾氾夕照沉若負此中山水調更於何地覓
清音

松陵遇關中僧一絕

湖邊古寺入松陵演法還聞最上乘春至不知
秦樹綠八千里外水雲僧

姑蘇遇吳允兆俞羨長王曰常黃伯傳同
訪沈從先因游鄰園范東生送酒至分
得齊字

三月過吳市相逢信杖藜園分茂苑上石出太

石倉詩補 卷十八
湖西有竹林堪入殘英路或迷鄰家通夕照池
水裂春泥忽至白衣酒偏當黃鳥啼來時無少
長方稱賞心齊

夜集史辰伯館中得山字

客問專諸巷寸心杯酒間方池亂竹響深戶片
雲關入此已近暮安知無遠山得如今日興談
宕可能閒

送戚山人之內黃兼東鄧遠游明府得

字

三月鶯聲別故山萋萋芳草照離顏春光白下
無多日夜月黃河第幾灣置驛正當賓客盛弄
琴遙識使君閒閨中易作刀頭夢珍重休過博
望關

寄趙凡夫山居一首

故人猶在望誰復叩柴扉芳草成碧地白雲空
翠微瀑泉掛石下花柳映空飛祇恐入山去一
時難得歸

同諸子汎舟金閶城下分得雲字

載得金昌酒言招麋鹿羣錦帆漁父識茂苑庶
民分花發春猶見烏啼夜豈聞胥江一片雨震
澤萬重雲梅福成新里要離沒古墳欲知繫馬
處猶自隔氤氲

寒山寺別沈從先

舟泊寒山古寺前楓橋楊柳暮生煙不因今日
重過別邨記鐘聲已十年

過錫山

梁谿城外錫山前小店垂楊慣繫船好是故人
情不淺往來隨意汲寒泉

過毘陵同月潭上人尋永慶寺不遇

舊寺松枝覆幾層昔年聞說住毘陵飄然一笠
無尋處數里人家明夕燈

丹陽道

潮水無聲暗到家門前高岍半欹斜風光三月
踏青去榆柳陰陰度鹿車

石倉詩稿

巴草 戊申

閩中曹學佺著

曾孫岱華重梓

寒食沙市行

欲識宕渠高幾丈聊看楚國沙堤
 上田疇似繡為交錯堤路如城作保障
 縣官捍堤猶捍腹農叟治田仍治屋
 余家兩度入西川居者行人同碌碌
 昨日出遊三月三屈指春光一百六
 不問他山與故園但指桃紅兼柳綠
 人生若此即歡娛眼前且勿愁崎嶇

石倉詩稿

卷十九 巴草

一

宿宛市僧房

澄江流作市古寺席爲門借宿減厨傳聞香清
夢魂平沙迴急溜高柳上初暎如此爲行後道
遙何可言

到江亭寺

昔日江亭上曾留杜拾遺一遷爲此地半折是
殘碑僧老猶能說風清若可期高唐子再入有

愧讀君詩

公詩云一柱全應
近高唐莫再經

一柱觀

常聞一柱觀其地亦全非羽客依名住神功在
世稀松聲當峽出山翠似城圍惆悵高臺畔玄
扃半夕暉

清明日發松滋之宜都

松滋晚及宜都縣已在山中一日程楊柳幾株
烟乍起棠梨千樹雪初晴廩君務相猶遺穴陸
遜屯兵有故營回首家林時節換不堪腸斷是
清明

曉發宜都望獮亭

石名詩和卷二
晨興卽問渡洲上有烟痕古木分夷畝清江照
縣門麥青纔過雉蕨長自啼猿此去獮亭畔空
懷陸伯言

過青草菴索齋

森森黃牛峽離離青草菴松風當閣上溪水過
橋南石佛儼相對山僧聊與談莫辭香積供此
味予能諳

過劉元定依雲閣清明後二日

峽州奇絕處平曠卽爲稀此地江偏遠他山雲
不歸茶香出火細松韻入風微花事雖云過猶
能着地飛

題劉元定山中六景

無心致通顯有道成古今今日東山下白雲春
草深

右東山祠

江意雖乍違溪光亦可美人行大堤上步步來
相送

右清溪堰

青青栢子樹蘭若構于斯夜來承法露日長是
禪枝

右栢菴

幽然響不絕一泉清且冷不是山中人未必知
來飲

右碧潭

群卉相鬪妍春光此堪託幽香一亭內坐對西
月落

右林香亭

草閣眠時穩無人到款扉只有山中雲朝暮來
相依

右依雲閣

劉元定王公權招集楚塞樓

巴蜀羊腸路紛紛對此樓葉尊雖暫展山水莫
非愁花落無生意猿啼不肯休何時出巫峽而

得再斯遊

出桃花舖上嶺

仕宦車生耳家人行戒心荒途開石淺細雨入
山深溪水日流虜桃花非故林三年魂已斷那
得續於今

大小壩

山似鏡堦鑿水如金僕姑一夫堪戍守四塞成
方隅前後不相及形神何太孤直溪停泊處纔
得其嗟吁

相交舖有一山家

獨居真斗絕危徑復交加
斲石讓栽麥編籬純
用花門前臨道路客過乍
誼譁應想開荒後從
來未別家

白沙驛

驛雖移近地路更遠明晨
且爾輟疲策前頭無
主人厨湯需采葛婦女代
揚薪踈略君休厭由
來此意真

發望州坡

青山如有意不欲使人行
故作千層險全無一
段平長林錯星漢隔宿望
州城片片芙蓉影咸
趨水際明

鬼見愁桃花盛開

山中氣候寒桃李未開殘
頑石借粧點征車方
鬱盤鬼愁應暫笑人面若
爲看忍負韶光意棲
棲事一官

白沙舊驛

委蛇窺地脉俛仰託山靈
土着無三戶溪光在

一庭少時供客憩終日是雲扃更有前峰路貪
幽未許停

花橋舖

入歸州界歸州名
歸鄉出水經注

所過人境好惟有是花橋林竹最深色溪源几
幾條停車傍籬落啜茗借山瓢問是歸鄉界離
魂不待招

大鴉坡望峽

雙峽亦何事眼看流去溪天然洞宇闢古有神
仙棲裊裊樹殊能蒼蒼天未倪無人好奇者到
彼得留題

建平驛

漢時建平郡本自領巫山此日空名在斜陽古
驛間懸流濡馬腹疊嶂逼人顏徒御雖辛苦猶
能得代還

九灣坡

出門田畝際又已陟崔嵬數武肱三折一時腸
九迴前車對水陣高觀避風臺細察淳龐氣山
中猶未闌

峽口坡見紅梨花

峽口紅梨樹何如絳雪堂昔看詩裡画誰比醉
來妝詰屈因岩石輕盈類海棠予將移此種聊
以續芬芳

栢子菴望小峩眉

給孤當鷲嶺相對小峩眉獨夜禪鐘起三春瀑
布垂峽風吹日冷林木帶秋悲扣策窮巔處應
貪反面奇

荒口舖

地與施州近山開百里長未應能吊屈只合此
投荒燒過厓俱黑春歸草尚黃南流溪水急那
更入巴鄉

石門

山盡見江好孰知江路危單車馳漢主積甲待
吳師義在盍同死時乎不可支永安有遺詔讀
罷使人悲

屈原祠

屈原生此地千古調應稀蒺藜苑爲宗匠居人識

秭歸江潭雖既放日月與爭輝一片嬋媛石猶傳舊搗衣

秭歸署中寄家信

秭歸一名歸鄉

列障壓庭庭欲低庭前戶牖亦攀躋行經宋玉招魂地枕向明君浴手溪月到天中看乍有風來峽內聽難齊歸鄉未得真歸去却把鄉書對客題

巴東縣

巴東縣治枕江濱直接瞿唐灑潏津嶺後夷關

迷日月灘前使館動星辰詩臨絕境能無助夢近陽臺若有神鳥道猿啼花落節不堪重度客中身

發巴東入夔門界

沿江路折入雲根雲氣薰蒸峽雨喧力損舟車窮楚服心驚烽火近夔門往來候吏經三黜寥落居民只一村昔日杜陵爲客處題書無恙問

東屯

烽火舖入夔州界

巫山縣感懷

石倉詩補 卷一
休官苦不決未必念非真再至少顏色一行多
病人地當胸臆瘴歲豈龍蛇辰寄語錦溪畔來
遊戴角巾

白帝城戍守官軍多聞人過而悅之

江聲三月近瞿塘白帝城中多故鄉但覺耕耘
享成業何知編籍在戎行開國年來二百五聲
音猶是故鄉土大男小女齊出門喜道同鄉有
官府我久離鄉欲就之區區一官何足數相逢
鷄犬新豐樹不問公孫舊樓柱若恐吟詩太寂
寥步出東屯詢杜甫一兒習書一孩抱任作宗
文與宗武

夔府竹枝詞十首

相公泉眼小於錢門外江流在眼前青鞵素足
朝行汲來往人看似水仙

早看東南暮看西蜀天只怕上頭低東邊日出
純無用雲暗上頭三尺泥

赤甲白鹽高刺天東屯相接草堂邊杜陵老叟
是何物口裡吟詩來課田

君居北井妾南沱對面相看隔路多
須趁漁舟過急峽還隨鳥翼上斜坡

丞相行師說有神陣圖開處
畫圖新新歲踏青來磧上誰家潔白勝於人

刺花黃白鬪妖嬌香氣聞過七里
饒刺似儂針花似錦髮邊樣作手中挑

吳舡越舩富錢財鍊索橫江擅不開
販鹽惡少截閉去不識瞿塘灩澦堆

今日峰高雲束腰平平一掌在明朝
孰來出門又如是儂是好言郎莫焦

君莫畏途途不危世途回首一看時
人心屈曲如駒駉瘴氣衝人人不知

沿江坎上卽田疇滿店燒春酒氣浮
我眉五月雪消水剛讓儂家割麥秋

雲安舊縣三絕句

馬噴沱前水急流桐花落盡綠陰稠
一翁來向清溪立滿眼兒孫在兩溝

路直雲安古縣前平栽小麥幾坵田
田舍較於

石倉詩和 卷九
城郭好隨他遷換却依然
也是山青水碧時客懷何事動深悲春林三月
無行迹君未前來聽子規

下岩寺

病中入寺情相得雨後看山趣亦添片石僧寮
無結構一春崑溜自垂簾題名刻像成今古背
路臨江恰見潛我已忘梳來此地白雲鷗鳥莫
猜嫌

又收雨發萬縣寄題太白岩

病但爲好光景山川還記昔留題路當瀑布
凌橋上石點秋屏萬縣西祇似魚遊舵在藻從
知馬性惜障泥青蓮魯直皆曠士坐處讀書行
杖藜

再宿分水驛

夜雨亦何恨朝來是險程以茲爲客久何日錦
官城館窄傍山臂溪深分縣名吟詩頗無緒欵
枕聽風聲

蟠龍山看瀑布

石倉詩集卷之六
春水三年別寒聲十里聞鶯花流出洞樹石掛
成文有意同高潔無心作使君前車行度險余
且坐斜曛

發梁山至袁垠

暫平三十里又已陟危岑俯視縣城內微茫雲
樹林谷風異寒燠磴路達高深停策問流水何
其傷我心

夜雨

到驛任山雨雨多山翠重伴厨三月筍蔽榻數
株松沈泊如舟浪招搖在筆峰明朝沾濕處已
覺夢中逢

再上筆峰

霧到此中止分明要客登水田開四野松石閉
孤僧步入禪鐘慣詩題綵筆曾少紆行後苦惟
有勝緣能

大竹縣夢分賜龍團茶餅應制

旅眠過大竹清夢賜新茶采摘當時候裁成出
內家薄雲春作月碎葉印爲花最解相如渴承

恩未有涯

瑯琊館

不識瑯琊館因何在
宿渠禾乾龜坼盡果熟鳥
含初村落蠻烟起
人民賓水居長年看髣髴只
爲旅塵踈

廣安晤黃州守

騎關升高峻渠江出廣安
長人何代見杜主又
春殘石繖流成白山櫻顙
已丹情深此相見頃
刻敘悲酸

岳池縣見黃葛樹有感

岳池黃葛樹何必減榕城
庇屋幾間地臨溪無限
情根株盤石固顏色耻
春榮雖在深山裡時
聞車馬聲

岳池舊縣

清溪如綫石橋邊
新麥將收舊邑遷
城郭不知何處是
二二三喬木起荒煙

三月晦日到嘉陵

二月春光在客程
不知春盡尚行行
卽今半日

差堪戀坐聽嘉陵江水聲

卽事

子魚榮老吏腐鼠嚇莊生以此爲相戲疇云非
世情青山多事業白日懶逢迎賸得江花笑隨
人到錦城

武擔署中書懷

無期能解縛觸處亦蕭條草色閉門靜鶯聲歸
路逢比丘同一夏吏事不終朝五月城南路江
平萬里橋

中巖寺

再過中巖寺彌添乍到情泉源因委曲雨氣益
淒清橋險必當度樓虛何所成便於石筍上安
坐悟無生

宿月波驛

月波來夜宿月色似波明遇景一相湊觀空聊
復情寒蟬吟向懶水鳥去何輕借問渝州路還
家近幾程

巴署登樓望塗山

登樓憶江水隱隱度層雲
峽迴亭臺圯天晴樹石分
古先經擘畫時序別耕耘
日暮清風起泠然拂席聞

禹廟

水北書銘舊橋南瀑布新
巖扉淹歲月石帳閉風塵
遺像聞口服初音識候人
自非明德遠何以涉江津

覺林寺

分途至覺林捨曠得幽深
落葉稍寒色流泉聞古音
僧居留宿霽香積施來禽
祇有鐘聲發迢迢下水潯

登途山絕頂

百折來峰頂三巴此地尊
層城如在水裂石卽爲門
澗以高逾疾松因恠得存
瑤階金翠色人世已黃昏

崇因寺遇湛公

見江纒入寺上嶺久聞鍾
法到巴中說僧來白下
逢藤蘿開入水金碧傍孤
峰寂靜身心次焚

香出古松

同楊文弱遊洪崖洞

城腰分作洞懸溜出城中與客登臨處成言造化功月生巴子夜磬出梵王宮歸路愁昏黑冷然一葦通

同陳美用登巴子樓

獨上每愁思何能常對君巴山秦代月禹穴夏時雲水亦流成字人其可不文扁舟懷往路誰忍望中分

墊江舟行同范東生寫懷廿韻

潯陽時賦別雪裡登匡廬便有蜀中約頻看柱下書那知萬里道已是一年餘此樂誰能說他愁若符祛文翁重教化楊意恹吹噓落落旣難合遲遲行遂初所知應見訝非子孰明予何日穿巫峽玄冬泝宕渠衙叁譚未已舟楫更相於歌向巴渝起人連水霧居未離城有洞一片石中虛牽纜行無地銜杯對彼硯峽風時峭急江樹但扶踈數里驚洄洑清波寄鬱紆沙痕明漲

石齋詩集卷十九
溜日晷盡村墟鼓吹群開戶園丁自獻蔬愛林
風俗朴接我性情如仙館堪調藥溫泉好看魚
逃禪身寂寞行部日居諸厭說前頭路征人催
上車

溫塘寺

入寺泉聲落能令境不寒烟生隨磬曲年久共
僧殘過鳥空中疾遊魚釜底安上層那可到十
里縉雲看

沙溪別東生

幾夜舟中語沙溪便有程忍將離別淚一酒合
州城小雨入江暮微陽穿樹明曰歸何不得歲
晚事孤征

濮岩

濮岩多古意佛像與題名何事令人作便無如
許情湖光當日好樹色片雲傾洞曲請安坐君
應悟此生

龍游寺

一徑懸林杪孤雲地就平山雄連郡勢谷靜送

江聲石上浮香刹空中息化城何當秋月夜禪
客此經行

安居雨發夜深投大佛寺

安居何不遂歲晏乃栖栖有雨便無路登山仍
涉溪愁雲疑旅店饒柔作人啼到寺那能睡晨
鐘聽不迷

柏林寺夜月

巴中難得月偏照此山樓林密鳥多暝寺貧僧
亦幽暗泉疑復甬孤影卽爲儔却與涪江遠何

時到遂州

遂寧廣德寺

城西岡嶺屬落日滿蒼林有水坐堪挹無塵來
到心僧寮極清淨古迹自高深風動禪師塔全
非世上音

長江廢縣望賈島祠

長江無復縣城郭久爲塵以子詩名在令予異
代親喬林望顏色片石得形神明月山頭咏年
年涪水春

石倉詩和 卷十九
過客館鎮

舊館自唐興為文屬杜陵客來一相訪舟子意
尤矜敗徑交叢莽清谿帶石稜欲窮幽僻處指
點入雲層

通泉縣懷郭代公

脫略郭元振交游偏有情雖然一縣尉却寄千
秋名大浸今為寺空灘時過城遺篇傳寶劍耿
耿向人明

宿廣漢驛 俗訛署為廣寒
問舟子始知之

三度宿茲驛終知廣漢名當時蜀先主從此向
涪城江岸招寒色鹽泉汲曉聲長年疑隱者莫
湯責逢迎

白厓陸使君廟老學菴筆記云廟中以杜
子美詩為籤徃徃有驗予特過覽之已
非杜詩愴然有感

射洪使君廟久廢少陵詩世俗將何用神明詎
得私江光明疊嶂苔色上豐碑若問行藏事予
心無所疑

牛頭寺有杜工部草堂

東蜀西郊外名藍壓郡門
虬枝蟠石透鳥道向人繁
寺盡江纔見山深洞或存
草堂千載後燈火照黃昏

廢涪城縣宿海會寺

漢業空須問涪江到處逢
城荒惟有迹山遠始爲容
寂寂寺前月飄飄林下鐘
夜深不能寐強起復支筇

予向不知楊用修墓及出
新都南門小徑可達成都
指點松柏森然者是也大
喜過所望因作一律弔之

名山藏骨處問路始從新
誰識車中客相憐地下人
堪名光祿坂豈屬北邙塵
莫說成都近迂迴亦可親

公贈光祿少卿

過天回鎮學射山諸處

雖行平地上復愛稍逶迤
不爾前朝迹茫然那得知
毘橋經石折杜宇自天隳
再入松林際悲風學射時

嚴君平祠堂落成同諸子過飲

朋侶惟求舊祠堂一取新舉林成韵事卜肆閱
遊人世久已相弃德孤誰與隣可知今日會落
落動星辰

出成都晚次新津

風日何淒緊予行在仲冬平林烟已盡近郭渡
猶重估市沙中火僧樓水際鐘東西雖不辨彷彿
認前峰

眉州謁二蘇古榆書院

鄉到來晚猶及謁二蘇宅內惟芳草門前失
古榆衣冠淳祐盛著作古今無且勿悲寥落從
知道不孤

訪張玄羽

君平一隱者身世本應疎爲問百錢卜何如五
柳居酒杯拚共老禪理不關渠宴坐林園內看
君好著書

發舟至青

客情殊厭路百計不爲來江水寒逾碧山原斷

復迴勢輪馳急箭態似弄蒼苔偏喜梅花勝青
衣渡日開

復游中崑

莫謂客來數以無塵務牽岩光浮落日梅意入
新年手榻碑文古身行洞穴連白魚灘最急且
宿在灘前

同張使君到凌雲寺

半江如綠玉不忍使舟過其若凌雲上崢嶸秀
色何天寒川谷淡日暮野烟多一處獨飛雪分

明是大峩

次戎州

朱提多峭壁何地不盤泉偶爾來驚坐因之一
蕩船戍深郁駟月樹冷女貞烟莫聽夷歌起溪
山好寂然

再過尹恒曲園亭

祇羨君歸好重過覺有情薜蘿團暮色棋局換
更聲二子來相見新樓且問名今宵江上泊能
使夢魂清

同牟侍御遊龍騰寺

鷲嶺禪宮圻龍源古戍平連岡
雙梵起隔水一葉橫松影皆
投壑江烟欲抱城涪翁游此後
今日與君行

江陽梅花盛開

江陽梅正放春信渡江前
若爲天涯思多應物候牽
風香無定處夜色獨含烟
靜聽舟人操飄飄學水仙

合江舟中閏十一月晦

獨坐舟中趣無人對寂寥
讀書猶不覺問路便成遙
江水屢云合離魂何處招
非緣今歲閏除夕更蕭蕭

臈月之朔過江津

似此嘉平月言過險惡灘
春光臨路近夜雨入舟寒
酒禁開云乍梅花惜已殘
迷津如可問休作隔江看

時予乍撤齋素

臈月十五日迎春

江州水初落又是報春陽
田鼓入公署巴歌聞

此方氣衝明月峽響應北城倉欲識豐年非擗
碑得幾行

初度同淨公一公藏公坐西閣

歲歲逢初度今知亦強名問渠三不朽何似一
無生入眼新春好閑情舊習輕山僧閒坐正歌
枕聽江聲

賦得落地梅

登床久欲卧兒女更相扶擲地金偏碎開花葉
尚無真成小垂手戲作演連珠文刀疑剪綵斗

帳續流蘇欲盡欣還有頻來恐不敷倘非明的
的何事惜區區

賦得火樹

二首俱和
汝載叔

試將九微火散此一林葩搗藥非靈兔吐焰豈
神鴉根株煩固結枝葉復交加功殊別雨露族
本領烟霞那筒疑釀酒川峽類燒畬天女衣頻
下狂夫鼓亂搗不待遲明盡其如落地賒誰能
具實相呵斥是焦芽

正月八日同范東生到鎮瀾寺

郭外人家斷岡頭古寺連行春七日後問法一
江前桃李催時節禽魚悟宿緣細看民樂處豈
必會參禪

薄暮到江北觀音寺

汎舟已及暮北岬更須移橋喜初成日江憐欲
合時桃紅含落照雲白映流澌入寺不停駕山
僧未有期

治平寺同方次卿范東生龍藏上人散步

時子將
發渝州

古寺留僧住殘花送客歸誰能出世法已辨入
山衣敗徑來蒼蘚虛臺得翠微幾人識惆悵祇
是爲芳菲

五福官胥民部張侍御倪奉常諸公宴別
巴子臺何處神仙宅一邱行車過洞背斷堞卧
峰頭草樹千層起春江幾段流登高耐留酌明
日是扁舟

倪愚同奉常園中同胥民部張侍御覽眺
園中與客望橋下遇仙曾翠色開當面江光到

幾層峽程行向月巖瀑坐垂冰夢寐期相過誰
云卽不能

石倉詩稿

蜀草 巳酉

卷上

閩中曹學佺能始著

曾孫岱華重梓

初入錦城

入蜀途方盡殘春日有三橋斯稱駟馬市已過
初蠶化俗文翁後分司武擔南如何成才補肉
食免深慙

三日謁廟卽文翁石室也前代學中祀及

周公

百代先師像西川石室中聲名由漢守俎豆並

周公夜照岷山月春生錦水風追陪多士後何
敢薄雕虫

草玄堂

揚子宅何在蜀人聞草玄墨池猶故址竹逕已
新烟鄰里誰相接文章不可傳聊能稱好事來
此一潜然

萬里橋送吳無奇學憲歸吳中因遊峩眉
萬里橋邊路三吳歸思多雖然今昔感其似別
離何崑壑青神縣雲霄白水波此游一乘輿湯

學接輿歌

王稚子墓卽漢詩所稱雒陽令也有石闕
画漢衣冠人物湯滅尚存新都界中碑

云新鄴人

洛陽有賢令此語漢時題平地墳林起孤雲石
闕低衣冠猶昔日邑里自新鄴何事千年後人
來尚不迷

巖君平卜肆

古有沉冥者成都此姓巖蒼苔尋卜肆落日想

石倉詩集 卷二十一 蜀草
垂簾莫問平生事誰能出處兼百錢直足矣此
外卽無厭平小製

來尚五日泛錦江

錦城當夏節扇市出林叢水接青羊澗帆開黃
雀風九歌無屈子百戲有巴童莫問天涯石吾
生任轉蓬

七夕立秋

今歲蜀中游偏逢七夕秋雙星尋舊匹一葉減
新愁水濯天河錦人通織室舟不同他處望祇
覺夜悠悠

百花潭吊杜工部

同舒尚孺審壽卿

悠悠一邨外步步百花潭昔有獨吟者今來客
共談江聲四野去秋氣片林含生事如寥落當
時自不堪

北郊

北郊車馬地茲意獨蕭蕭送客非無觀昇仙第
幾橋空村流水近古跡白雲遙今日秋光勝偏
成物外招

昭覺寺

仙橋迴俗路梵宇是幽期入樹愈難盡鳴鐘凡
幾時看山恒百里過水卽渡池物力當年盛來
游始得知

中秋夜無月汶川王以詩酒見餉奉答

秋陰生客館月色待王門步入東阿句憂忘北
海樽桂藜看子落竹逕掃烟繁若問天涯思高
眠夢峽猿

奉答內江王長予

大雅聞朱邸題詩寄碧箋不貪茅土貴應廢蓼
莪篇照客中江月傳家蜀國絃王風猶未已沒
世有親賢

寄信

家居閩海上寄信兩都中道里雖然隔逶迤或
一通人生皆逆旅歸念甚兒童無計堪相慰
其落葉風

聞信

有信遭洪水無端出建溪浮槎通市上敝宅在

城西早稻應無粒殘花儻着泥此中仍苦旱何
乃數難齊

咏署中古栢

古栢何年有蒼茫晝不開似分丞相廟詎羨大
夫臺汶嶺通霜雪秦城應斗魁用蜀守李水事虬龍時
想像烏鵲信飛廻勢大無新竹文深有古苔欲
從赤松子服食愧仙才

移竹

祇有官爲累非無竹可移方名聞九種遺法見

交枝傍牖恒相拂過簷返欲垂已驚能碎月得
看是閒時湯作臨邛客還吟淇水詩用思宋事高賢
倘相就不負入林期

荔枝

物色藩王致仙珍荔子丹驚如巫峽画用白樂天事

喜作故園看味豈二朝變心將六月寒非君獨
憔悴與客助悲酸昔到長安遠曾經蜀道難
清朝元罷貢不羨漢時官

錦

蜀錦無消息徒然異代論江城猶不改杼軸幾

能存月暗三巴字雲空九壁村國泉憂蜀相葛公

云國之所需惟藉于錦成都橈石廢天孫成都有萋菲人情甚

懷歸客思繁用不歸故鄉語金鸞遺塚在訪古一潺湲

黃長史贈菊

蜀國閒無事陶家興欲狂幽人輕綬冕左相擅

文章贈我明珠貴因君滿座香用簡文坤維元

正色太白自西方漢苑歌馮鵠用太液閩關接

五羊天涯且為樂何必怨投荒

理菊

第一稱幽事黃花爛熳天衆中須剪拂佳處任

攀緣有以少為貴無如遠自偏枝枝皆向客久

久自成仙坐對那筒酒詩題薛氏箋賞心有如

此不負在西川

園內亭成四首

日行錦城內未見有華居茅竹頗成趣人家猶

古初得非少陵咏莫是子雲書用茅堂不覺性

情合何妨結構踈擾民非所欲惜費固其餘

此地非吾有同寮到自還不分人我念取適須
史間稼圃明東作城樓近北關吏人抱牘返稚
子學弓彎松小和禪韻池枯似客顏

居官無暇日日晚一來過平地沾霜厚西山落
月多汲泉漢叟意種豆達人歌兩署林皆見殘
碑字獨摩此時惟看竹明歲擬栽荷

詩興亦何似茲亭當落成但知巴蜀地未得晉

書名

東坡見人讀晉書竟問云得幾亭名

孤樹葉落滿衆禽來不

驚難逢三日沐喜是一冬晴肉食雖云鄙塵心

聊復清

有懷四首

易作無期別難爲觸境愁去年當此夜旅殯在
孤舟湖口魂難寄巴西淚獨流幾時歸去路兼
得省荒邱

生少自吳下追隨來蜀中一官何太遠半道不
相同石鏡經霜月琴臺人夜風蛾眉從古恨今
日轉難窮

吳蜀雖萬里音書未覺稀祇因一長往經歲未

云歸學繡餘青鮮含情信翠微不因魂夢裡相
見始依依

年來任空忍萬事已知閒無可奈何處猶然疑
信間埋香非客土投老是佳山終日風塵裡蹉
跎容髻斑

巳酉初度二首

四旬虧四歲三月到三巴列職虞迂牧浮生漢
使槎簿書淹日久山水渺鄉家一種還相似寒
梅正看花

吾生亦何恨此度倍傷神少小別慈母房帷無
舊人歲侵杯不樂月蝕鏡生塵誰識行歌意瀟
瀟江漢濱

芋燈

吐鳳由來說蹲鴟亦有誇水田爲火種秋實作
春華斗室魁初轉風輪蔓愈斜繫而人不食或
恐是匏瓜

橘燈

把酒傳柑節張燈剖橘房虛中明可用達表燄

石倉詩和卷二十一
猶香雕飾承君子嘉榮頌后皇試詢巴蜀火何
似洞庭霜

支椀石

一片支椀石傳來牛女津客槎何處所卜肆也
生塵較似昆池古長從漢月新每逢秋夕裏吟
眺倍相親

武侯祠

武侯爲蜀相祠廟四方同宅作乘烟觀碑言在

日功

唐裴中立撰柳公綽書舊碑也

江流夷里外自南而西草

色惠陵東想像千年事何人及我公

石犀寺

秦代石犀寺傳聞猶至今香泉通海眼錦水過
城心鄧艾空祠社隋王有竹林此方多古意暇
日試登臨

金沙寺

寺門前後水竹栢復蕭蕭路接五丁石鐘過萬
里橋金沙天子湧用湧塔事貝葉侍臣標貝葉靈文
題觸處江南景閒游癖未消

二月十五日青羊宮宴集

獨訪青羊肆相從綠蟻杯仙期千載逝民俗四方來藉草皆為席因丘此作臺春陰松柏裡今日向人開

上巳雲臺宴集

三月重三日雲臺客似雲豆花蝴蝶出楊柳綺鷺聞路向繁田去春從灌水分麥秋應可望何惜與微醺

玄對亭成

湧捕一亭趣悠然見古今揚子草玄里庾公山水心江表傳云元規以玄對山水密雲因樹遠池月浥花深不許塵俗事來茲几案侵

送督憲副入賀

奉使昔稱榮同官殊有情看雲行色遠喜雨別愁輕蜀路青泥險函閔紫氣平祝釐成禮日早到慰蒼生

送毛大參入賀

巴蜀東西滾流光去住間仙舟浮錦水使節出

巫山函奏叨名字趨朝想珮環
畫圖應已達好

再說民艱

時進歲
荒圖

寄荅鄧遠遊侍御

入蜀年有半未曾作古詩簿書信爲累不習出
川竒有時而吟咏近體偶及之便隨音律轉豈
是性情宜滇中持斧使十載心所期投我以篇
什恍若晤容像正逢金風至一葉落庭垂友生
此云賴寔知秋氣悲

立秋日生子

旁午公無暇添丁慶有餘
懽承迎養日節應立
秋初仕宦分微祿家藏有剩書
此方誰可意大
于是相如

不育

一旬猶不足七日亦何爲無與死者事徒令生
者悲園中聊散步意外卽題詩世事盡如此非
由今始知

庚戌七夕

秋雨連綿甚天河若更深
恰當今夕霽聊慰一

石君詩稿卷二十一
年心濯錦橋邊望支椀石上吟此方揖星漢何
事復登臨

初八夜月

一自天晴後相連好月生騷人情淡蕩牛女怨
分明草際路當合松間雲漸傾錦官城夜半欲
起禱衣聲

初九

樹散空烟碧鐘鳴野韵和翩翩鴻雁影早向月
中過種竹經年老浮萍隔宿多却憐爲客日容

鬢易蹉跎

初十

月色輕雲裡秋聲細雨邊經旬移節候洒暝作
涼天鳥宿明河斷蛩吟古塞連予心耽寂寞耿
耿不成眠

温江道中

温江離省近民俗向稱饒處處是流水時時當
度橋漚麻成白雪釀酒比紅蕉底事歸心發驚
聞估客橈

蜀州道中

蜀州亦平野風日曠兼涼候吏入青竹農夫收
白杭子河經幾渡官柳上千行復與西山近翠
微沾我裳

蜀州署中

外州任幾日轉憶錦宮家近塞雨常有遠山雲
半遮城秋江色靜署冷鳥聲譁夕漏那堪數愁
心未有涯

蜀草卷之上

石倉詩稿

蜀草

卷中

蜀中曹學佺能始著

曾孫岱華重梓

武侯八陣圖一在夔府

鼎足三分事已成圖開八陣舊知名喧豨峽浪
終難破錯落江沙若不明人日尚傳來踏磧

風俗以七日游此謂之踏磧

將星遙映在行營至今千載無

人識獨有桓温鑒別精

一在新都弥牟鎮

廣漢南來近蜀都江城辨色已馳驅曉雲不散

彌牟鎮春草橫生八陣圖自媿書生行部日得
知丞相苦心無由來沃野稱千里處處桑麻望
不孤

子美草堂一在夔府

夔門二載客東屯寂寞江天自一村入峽始知
風景異題詩空負簡編存城連白帝生春草路
感行人有夜猿謗說王程爭日月還從下馬薦
蘭孫

一在浣花溪

子美羈栖在益州百花潭上草堂幽不綠此地
名當著何事中原亂未休片石荒林都入詠遠
山流水適添愁我來已屬千年後祇覺依依似
舊游

太白讀書處一在西巖

萬縣對山有
大湖在頂上

石嵒湖水片雲端落日輕風生碧瀾祠對江山
千古絕酒酣棋局幾時殘

相傳白詩云大涪陵
醉西巖一局棋

渡去名猶在

涪州有
李白渡

蜀道行來信是難一自金

陵問消息無人拍向萬州看

一在匡山彰明縣中

彰明小邑有光輝太白書臺倚翠微家向隴西

傳虜遠星從天上謫來稀一溪踪跡聞龍飲公即

所居之地名龍飲溪四海聲名似鳳飛寂寞青山身塋後

空憐白首不能歸

送王方伯入覲

霜淨秋波濯錦文千官出餞盛如雲江流萬里

東歸海方岳三年北覲君塔上登高愁望遠

橋邊把酌惜離群蜀中民物凋殘甚當宁應須

一奏聞

從來同舍說為郎何況同鄉在異鄉騎馬口過

揚子宅放衙時蔭召公棠半年祇覺時光易二峽

偏驚道路長嚴武重來須鎮蜀題詩還識少陵狂

巳酉除夕

下車春日錦江千歲序悠悠忽復殘敢謂賢勞

非一事須知民業許多難屠蘇酒裡聞天遠古

柏庭前蜀雨寒最是相親揚子宅市橋空鎖墨

池乾

庚戌元旦

庚新布令祝年華
民物豐登樂有加
但詠遺風在江漢
何須嘆雨學樂巴
履端向曉群趨邸
迎餐何時使到家
汶嶺我眉此中勝
不堪吟望片雲賒

偶詠宮燈

五夜承恩盡賜緋
自憐光采世間稀
翩翩丹鳳秦樓下
拂拂青蛾漢殿飛
彩筆花開天子詔
珠簾風颺美人衣
無情刀尺雖輕擬
看看分明

戀禁闈

料絲燈

空愁斷續不須黏
若爲寒凝也附炎
古后煉成元是石
新人織罷謗云纈
金繩隱隱開迷路
綺浪層層上隔簾
分得滇池雲五色
七星橋上一星添

同范宣卿舒尚孺二叅知魏肖甫學憲鄭太初儀部集淨因寺

春遊多在少城西
細雨輕烟任馬蹄
玉壘峰明

殘雪徑珠林地占浣花溪同聲不媿求黃鳥異
代空聞祀碧鷄揔是天涯無住着歸途何惜醉

中迷 同 寄舒尚孺

嘉州山水昔稱嘉隔岬凌雲泊使槎却寄海棠

霜後萼定烹岩茗雨前芽我眉僧下重來榻象

耳人題乍醒花用太白題石語媿我簿書成潦倒不知

春半錦江涯

雨霽園中散步寓目外林

杏花爛熳柳枝長隔斷人家又女牆遠近不知

誰地勝陰晴偏釀滿林芳蜀人以九月釀花天閭闔極

目民徒困時序關心日載陽擬就春農問生事

錦江元逵白沙庄

送范宣卿歸四明

同事天涯弟與兄可堪離別在春明文君井上

花徒發望帝祠前鳥欲鳴邛竹携歸都九節蜀

江吟處是准清應知世上風波險三峽瞿唐浪

得名

送范君材謫酉陽

千載論文揚子居暫時相見不爲虛別來湯作
臨邛客謫去還看大酉書猿叫巴山當雪盡花
明蜀路在春初必須游遍峩眉後始信江南景
不如

送鄭太初謫藺州暫住嘉州凌雲寺因游

峩眉諸勝

漢庭乍温賈生襟蜀道曾聞太白吟別後禁鐘
嫵夢淺坐中仙梵出山深寺接白水休歌楚

用接

輿事城傍紅崖半入黔四十年時今不遠相看華
髮欲抽簪

汶川府看牡丹

去歲入川花事闌今年花發倍尋看王家好客
來浮白國色傾城是牡丹風景不輸洛陽盛雪
漸遙映汶江寒沉沉歌舞日向暮壁月金燈明
画欄

蜀府園中看牡丹

錦城佳麗蜀王宮春日游看別苑中水自龍池

分處碧

即摩訶池華言龍也

花從魚血染來紅

蜀中牡丹以魚血紅

為第一

平臺不到林間日曲畔時迴洞口風盡道

今年當大有何妨行樂與人同

丘摧使宅賞牡丹

玳瑁筵中蘇合香能言鸚鵡鶴飛翔花開映酒

大如斗月出當歌清逸梁何事蕉紅誇市價

蜀市

中以物之極紅者曰蕉紅

曾經李白配宮粧少城不道東西

隔鐘漏數聲春夜長

過內江郡邸園中賦贈

暮春啼鳥已啾啾步入園中境自佳似雪海棠

枝拂瓦因風書帶草盈階亭前待水成虛勢閣

外看山有遠懷父子况能稱述作人琴何事嘆

塵埋

題陳梓州蜀道重游卷

蜀道難行九坂長鹽亭山月出蒼蒼身閒但拂

宜君塵夢斷還依閣尉桑湯喜題詩追子美故

羞言利似弘羊當年栽徧桃花樹春日開時溪

水香

宜君山出塵劍閣有別居桑下桃花溪皆屬梓州

石倉詩集卷二十一
送婁都事歸養贛州

錦里垂楊夾道間
岷流千文出江關
不遑將母從來嘆
却羨遺榮便得還
鄉路但尋章貢水
別情空向武擔山
因君寄與匡僧說
自到巴中不暫閒

送田司理成叔赴京考選

嘉陵江上游不愜
與君相見錦官城
累月沉沉詩思動
高人在在世情輕
扁舟下峽卽仙境
公車赴闕是王程
蜀中凡事皆非故
豈但揚雄與

馬卿

寄題筆峰

似筆挺然秀山川
亦好文宥渠花裡出
秦嶺竹間分石臼
生春水香龕積暮雲
經過難久住日
後覺離群

送鄭康侯

時同家大人南還

湯說故園好聊云
蜀道難山高猿鳥背
水疾魚龍灘上下
皆千仞詰曲非一蟠
縱然到平地魂
夢猶未安吾父日
歸去猶勝日承
懽且得良友

伴何愁物候闌驛程見雁早江寺鳴鐘寒霧開
多遠勢霜落稍輕湍別酒清園菊秋衣吹峽蘭
字水橫書案陣圖列碁盤夔門并塩白郢國楓
葉丹家林與海近春光先歲殘莫能同往矣早
寄信來看

送王相如游峩眉

今知山水事作宦不相同屈指已年半峩眉猶
夢中君來無幾日其去若乘風川水豆花滿峰
雲蓮葉工人歌接輿鳳殿鑄漢家銅古雪照天
白聖燈當夜紅嘉州詩思勝絕域梵音通若問
無生理秋眠聽漏終

寄吳非熊

之子一無事平生惟苦吟出山期不久入蜀信
來深好古有遺意依人非寸心寥寥宇宙內誰
處覓知音

寄林茂之

與君期入蜀珍重尺書回祇索詩篇寄不同朋
友來益州香來熟官舍菊花開敵却巴中路猿

聲一段哀

寄胡彭舉

每自公之暇思君便覺幽青山終老伴白業幾
時脩草色華林暮江聲蜀國秋更聞移懶石未
肯事行遊

口占嘲黃長史索菊

一日俗一日自身猶不知但看黃長史九月恹
花枝

池亭對菊書懷

西川兩度已黃菊官舍怕憂看不足今年苦旱
再苦雨似君憔悴容可掬欲將池水作明鏡池
水須臾亦可盡昔時沉沒朱欄上而今難度浮
雲影其中靡靡皆藕根妬殺黃花開酒尊

寄謝在杭

今年頗豐熟古跡恣搜尋玄室有奇字琴臺無
俗音讀書知夜靜采菊見秋深粉署多清暇應
知同此心

汶川府菊花有艾葉白者口占代索

菊花已稱淡此在淡之極非白亦非黃不離復
不即譬彼靜者姝欲語還自嘿移之我庭前問
其何所憶

薛濤井 古相念野學之室前有字禁臺無

七八百年間陳事已俄頃西川錦江畔猶有薛
濤井朝發春花豔夕沉秋月冷所以可傳故問
人人不省但云造彩箋直貢君王前今幾幾

聞信

聞道潯陽岸移喪到秣陵吾家無信使若弟其

閒僧世俗情如此音書阻不能匡山歸老意寂
寂對孤燈

襍詩

優孟化色笑相如工形似二者誰淺深不是中
乃是子無少君術乃惑食桃子觸處有餘悲離
之則震美忽畧在濃穢寫照以神理所思豈不
遠相見猶甚邇自君之白門烟波復千里夢中
一倍勞勞心倍于此

立冬日與梅子庾

移菊在房內而無風露寒每閒清夜思多得數
朝看如此立冬易不知行路難與君且相守人
事一無干

久陰

昔聞蜀犬能吠日九月天陰萬事畢市橋米價
復何如比屋炊烟不肯出出門欲游何處游薄
雲籠雪西山頭晷短但消眠食過不能作事常
悠悠吟詩久失杜陵叟浣花溪畔無人愁

喜晴

久雨獲晴霽寓日皆殊觀日月有恒照亦覺乍
云旋三冬既暄煦人民少饒寒苟無終歲計予
何樂爲官蜀方與外異旦夕烟霧攢始疑恐陰
晦後乃爲晴天事稍稍晏起閒行始晨餐竹影
在壁上以寫中心懽

悼菊

黃菊吾所好願言長千秋時節忽已易安能爲
子留不如春之花隨地皆相接頽顏日衰靡見
爲人所羞色相非不異名類亦有儔而今俱莫

識埋藏同子邱經月雖云暫晦朔亦已周眷茲
惜清夜秉燭時來游每逢就寢後惟念嚴霜稠
情親尚如此何況世悠悠

樊真公到小亭

十年曾識面此地共爲官不作世情想而尋文
字惟亭中日盡到池上水初寒隨意拈書籍聊
供茗酌殘

喜弟修到

欲問弟來好惟看杜老詩信聞人卽到直喜不

須疑邸舍如家內容顏非少時何緣此數日退
食却遲遲

可喜家常語無端老態生課兒分我力問舊誤
人名遇雪聯雙影看雲遠幾程不知去任意偏
在錦官城

再聞潯陽信息

予樂匡廬勝歸隱期暮年埋玉九江側布金五
老巔潯陽有信來聞之可驚訝之子喪已移老
僧坐而化作客在天未預愁無主家山色雖如

故人緣則已賒誰信有情痴轉向空門篤迢遞
吳楚間何時出巴蜀

雙流

萬里橋方度雙流徑過存薄寒成翠色踈雨點
黃昏竹柏密他樹水雲平過村群鳥棲欲盡纔
到縣西門

郊行

今歲農功好郊行亦可憐新茅添屋角晚稻泊
林端并稅已輸後邨童來看官依然古風在不
省是凋殘

應天寺

客問應天寺不辭雲路遙山爲瞿子宅水到蔣
公橋瞿子鵲
蔣公琬夜靜聖燈出風清貝葉飄湯勞車
騎入景色自蕭蕭

白塔寺

寺向青山起雲依白塔垂雙泉通般若一樹認
菩提澗雪梅花早溪風竹筏遲由來事行後兼
得赴幽期

新津

結束為津日分明作秀顏雪峰俱映水天社舊
名山客自荆吳外民其邛蜀間昔賢有佳句磊

落動人寰

新津李杜高
岑俱有題味

修覺寺

漢時修覺寺唐代上皇題蒼翠驅津筏虛空轉
石梯江聲文井外山色武陽西寂寞僧房裏曾
容名士栖

夜泊彭山江口

錦城平日暖旅泊始知寒犍蜀中分地岷岷相
向看岡連三女塚水疾二郎灘蘆葦風吹急蕭
蕭漢將壇

岑彭遇害此地
有彭亡之稱

孫仲復憲副招游平蓋觀

晚來平蓋觀風作石楠聲忠孝橋邊路
名神仙江上城雪依丹洞化燈照墨池清湯說
區中賞而非物外情

以張綱
李密詩

送魏肖甫校士之嘉州

嘉州好山色文士稱江鄉以君持識鑒千古族

石倉詩補 卷三
精光鼎鼻牽舟路
裁眉寫筆床
春花可人意
一
種海棠香

夜雪

薄雪枝上消
不到清池內
照成江夜寒
歛手一
相對

看梅子庾禮佛

明月出寒夜
清磬浮孤烟
看君一佞佛
作禮梅
花前

送王吉甫茂才還家

客去渝州川路遙
歲寒官舍光無蕭
條謫尋佳事
一相別
共坐梅花三兩朝

梅花

殘冬不冷近春光
古樹月明山夜長
一亭環着
數書屋無地
不作梅花香

校書

在官猶喜得抄書
每日偷工校魯魚
莫謂風流
成罪過
此中原是子雲居

兩年

石倉詩稿 卷二十一
一語不相訣兩年何所之無人逢我笑有事爲
君悲白下已新土燈前仍舊時雖云愁歲月不
覺疾如馳

庚戌初度

月色連宵好春光幾日賒池分他井水梅作故
林花在蜀兩年矣浮生初度耶日歸猶戲說何
處是真家

迎春

蜀中好游樂况乃競春朝在古爲江漢看人過
市橋土牛知歲事歌曲雜風謠遠愧名流者無
情問翠翹

歲暮雜咏同子庾

梅花蜀國早開殘寂寞其誰伴歲寒又是取閑
孤客思一枝畱在帳中看
水仙清韻世間殊但得梅花並也無香色一般
身較弱盈盈還倩綠衣扶
瑞香花朶不勝簪點綴佳人作錦衾只是憐他
根蒂淺雕欄時取片雲陰

石倉詩稿 卷三 十七
蘭生空谷若爲芳
朱邸懷人折寄將
春入瓶中都不覺
校書時倦有餘香

除夕同子庾汝載叔證弟

主客成三五杯中無一長
祇將閒語咲度此好
年光雨裏白枝映春前
群卉香在官聊好事便
道不尋常

辛亥元日書懷

四十年當近開正日不閒
錦城惟逐逐華髮漸
斑斑民物將何補身心
無所關宦情旣如此吾

欲謀歸山

人日卽事

歲華饒樂事人日宸宜晴
開七珠囊啓無雙彩
勝盈花香來筆思水淥
涌歌聲但道韶光駛何
嘗不有情

石犀寺離微上人見過

參學之吳下依親在蜀西
署中太拘東方外喜
招携漢味流蒟醬秦形
刻石犀經行多古意亦
足見幽栖

柵燈

高懸雀彩映鮫綃遠出虛檐近碧霄若木枝頭
 迴日馭赤城山上起霞標明河文士空流咏華
 表仙翁若可邀謗說金屏堪中雀直疑銀河欲
 盤鵬

壁燈

誰能無着寄茲身縱使埋光也不真獨照潘安
 遺挂恨相隨司馬在家貧行人逐逐觀如堵有
 女蕭蕭歎隔隣莫道墻東孤僻處碧苔青蘚暗

成春

鬪雞燈

陳王詩思夜光寒錦隊憑空作羽翰上辣兩行
 齊奮距影蠟炬二字先登若個是雄冠影觀燈二字金鏡
 曲裏翔朱鷺玉鏡臺前舞彩鸞賞勝良宵殊未
 已家禽休唱五更殘

謎燈

竭將目力與心思觀火叢中未息檉燦燦迴文
 離復合姍姍步障是邪非任他百戲超三昧透

石倉詩補 卷三
得渡關在九微莫謂夜光多按劍由來我貴是
知希

閱蜀通鑑因作懷古詩六首

蠶叢開國及蒲卑杜宇聲哀亦可悲何事金牛
通道路空將石鏡壑臙脂宿渠故有長人見秦
苑能無愛子疑車出咸陽淚如雨憐他城闕付

張儀

右秦

秦亡如約入關中天漢高名屬沛公歌舞不離
渝水上雲山偏向涪陵東文翁倡學風猶在武

帝開邊事已終千古美新冤不白浪傳投閣是

揚雄

右西漢

黃牛白腹五銖還隴蜀經心頭鬢斑聞道湯云
一日裏安軍宜在七星間健兒氣決空留劍隱
士情堅祇閉關底事春陵遺恨在方山流水自
潺湲

五諸侯著字星文一國何曾有二君白水關頭
纒定計中原鼎足竟三分錦車夜度夷陵月鐵
騎朝驅狄道雲可惜天心不留漢空令鄧艾立

功勛雖壯意雲何
計天公不置右
蜀漢澄艾立
金運陵口散玉衡
白雲終繫范長生
祇緣建業無臣主
湯說巴氏有弟兄
逸少具詢碑版事
栢温偏識陣圖名
最愛荊州醉山簡
能令西士盡歸情
空想國國為事春
刻意則石晉山氣水自
褒斜劍閣獨鳴鑿
細雨零鈴憶所歡
萬里橋頭渾夢寐
長生殿裏舊衣冠
錦江築柵防南詔
玉壘籌邊控吐蕃
却憶翰林李供奉
行歌蜀道上天難

石倉詩稿

蜀草

卷之下

閩中曹學佺著

曾孫岱華重梓

寄黃昭素

此邦富文學揚馬炎代興君平抱隱德亦以詞藻稱不知當茲日其誰可與能新都翰林彥相繼爲嘉陵我來巴蜀地西南云得朋錦城何迢迢
迎龍門未獲登良晤一以垂簿書徒碌碌相思在芳春淒其秋草綠嚴霜墮凋零青帝忽廻軸
離索何時已居諸不可復適枉瑤華贈開緘再

三讀詎同世俗韻直置烟霞族人情有通患貴
耳而賤目白駒苦難繫詠嘆在空谷

喜吳元翰至

蜀國春常早他鄉客思盈朝來新柳色薄暮故
人情酒氣解長路山光橫少城來遊江漢地不
淺是詩名

石犀寺訪元翰

古寺空林裏天涯誰所親草堂時出郭卜肆卽
爲隣以我牽公事思君無主人乘閒一相訪錦
里便行春

李觀察園亭小集

錦里皆平地君家獨有山若言移石得
不覺上苔斑花事從茲始林情洽此間無人問
竒者終日閉玄關

署內籬花盛開賦咏一首

去歲籬功成今年花事爛一官聊免俗三女未
爲粲蜀地不久寒春光集上半撰日舒蓓蕾相
風長儀榦灼灼猶自矜佗佗始爭亂垂如鹿客

綬蔭譬芻賓幔石鏡明西臺錦里妬南岬朝霞
縹緗映夕露沆瀣鹽恒恐竊脂食故張逐肉彈
初終相際接晦明無間斷開殘鷓鴣鳴落盡子
規嘆空祠炎代鷄枉獻晨風翰何以寫我懷悠
悠在江漢

同王蓋伯郵郤泛錦江時余將入賀
天使來僻壤地主有餘榮况以弟兄好十載離
別情預拂天涯石同聽蜀國鶯柳花飛欲盡江
水漲微平汎舟恣游行濯錦逾鮮明東山月初

上眺望何盈盈沃野極千里古戍橫三城形勝
聞自昔民物屢訛更西南豈不遠朝廷廣好生
去歲旣優賚今年復詳刑覆盆遺照及幽谷薰
風生堂下齊牛釋關西楊雀鳴南冠免幽繫北
極躋泰清願祝無疆壽不憚萬里征予也叨茲
役因君報禮成

蜀中古迹殊多偶閱岑嘉州詩集所作十
首輒和之

鼎足已不存雄圖委草莽君臣魚水歡依稀一

堂上今昔固然殊使人空俯仰 右先王武侯廟

文翁爲蜀守倡學自西漢斯道旣休明千古如
一旦來者聞其風能不起咏嘆 右文翁講堂

成都子雲宅寂寞草玄時玄成待後世後世無
人知雕蟲君所薄何事動深悲 右揚雄草玄堂

文君絕世貌相如倦遊心滌噐此溪水調絃空
谷音陵谷未更改風流難重尋 右相如琴堂

君平賣卜肆秋草在一庭垂簾註道德終古嘆
沉冥不謂世間人徒言河漢星 右君平卜肆

巴蜀相攻時乃爲秦所併經營少城內制與咸
陽竝從來張儀樓江水不能近 右張儀樓

征馬在我門相送之北郊當時題柱語聞自昇
仙橋壯哉相如氣凌雲何飄飄 右昇仙橋

費禕使吳日孔明送之行乃有一言贈遂成萬
里名扁舟予待發臨流空復情 右萬里橋

鬱鬱金牛道闐闐石犀里秦時有明月照此蜀
江水功成天地間神物不可毀 右石犀

龍女來聽法鄉人往祈年迎送曲未已風雨滿

筵前惟有摩訶池古木祠蒼然 右龍女祠

偶有持筴以岷山十景索題聊為詠之

大塊有噫氣深山為壑穴日夕清風生吹出千

古雪 右風穴

身入蒼翠中落日無人影步步踏松根不覺到

前嶺 右松梯

泉向空中落星從水面稀歲旱泉不竭天明星

未稀 右星泉

野狐來聽此樵子去看曾盛夏或流水長時一

片冰 右冰礪

百草風霜勁千場日月新羗兒休牧馬知有射

鷗人 右鷗場

隱士如隱豹藏身在雲霧寂寞還自憐文章空

毛羽 右豹阜

靈氣所鍾地拾芝如拾芥行行持作糧浩歌乃

長邁 右芝圃

却種山中玉來畊石上田石田春日煖玉蕊吐

成烟 右瓊田

搖艷南峰上芙蓉生火裏所以岷山雪化作蜀

江水

右火離峰

世俗非吾侶神仙自有情欲記來時路芳洲渡
若生

右水若渡

予向欲作蜀中竹枝詞而未就也有使者

自長安來以途中所過之境作為畫卷

索予題之雖不盡沿其體大抵蜀事過

半矣

早沐恩光出紫宸蘆溝芳草幾回新只今一片

桑乾月猶照河梁泣別人

右蘆溝橋

不識人間行路難朱樓綠樹古邯鄲才人此地

知多少錦瑟聲中漳水寒

右邯鄲道

河陽縣裏百花妍不見栽花人可憐謔說花開

與花落潘安年少自年年

右河陽花

浪聞西蜀不通秦曾逐周師出孟津驚殘靡靡

商家樂曲裏巴渝舞向人

右孟津河

函谷關前紫氣浮終南山色在秦樓此日碧鷄

持漢節他時訪道度青牛

右函谷關

不信褒中猶有路還疑劍外卽無天潺潺流出

巴江水獵獵燒殘漢代烟右連雲棧

三雅池前浮大白八蠶村裏浴新紅錦屏山截

嘉陵口人道城南是閬中右閬中縣

覽勝牛頭寺裏行梓州形勝舊知名更從東蜀

過西蜀鳥道層層上五城右潼川州

行盡青山不復山停車綠水意俱閒武擔石鏡

瑩於月妬殺春雲損玉顏右武擔山

岬上游人來逐境帆前歌舞盡開函濯錦錦成

當九壁過橋橋盡是雙江右濯錦江

江村曲曲白雲封門逕依然對碧松千古吟魂

誰爲答草堂中寺一聲鐘右草堂村

嘉州山水寂稱竒絕頂凌空面界夷雪嶺湯湯

無處極中天開出是峩眉右峩眉山

漢家武帝遣唐蒙燹道西南自此通詢醬給橙

筇竹杖無人解道喜邊功右戎縣城

涪陵李渡寂繁華不借詞人在自誇荔支一騎

趨秦嶺古木千章入漢家右李白渡

春林紅血染山青孤客中宵把淚聽何處蜀山
不啼徧雲安偏有杜鵑亭 右杜鵑亭

瞿唐峽盡見巫山神女襄王一夢間惟有朝雲
依舊在等閒飛去又飛還 右十二峰

濟南孝廉劉君廬墓詩

孤凰淒斷歸昌曲忍向空山瘞寒玉哀雛銜土
起青甌竹花不食聲啾啾山東劉生文章士十
上長安心未已萱枝零落鵲湖濱茅廬愁傍鮑
山裏精誠所至天公知往往緣階產紫芝墳前
百畝皆躬稼門下何人不廢詩紫芝燁燁生光
彩猶似沾襟啼血在鷓鴣五色翩飛翔持將此
瑞薦明光君不見泰山梁甫新封道他年清廟
頌芝房

留別玄對亭

客去已空亭携歸但一經夢中來後夜池上記
初星宿鳥暫同處歌驪誰忍聽錦城西向望惟
有遠山青

得王二固侍御所寄詩集有作

岷川高不極上峽有獲魚剖得玄言在吟成俗
念踈剡中子猷興柱下老聃書欲問峩眉雪清
新孰不如

錦江發舟別諸寮長

江源坐三載今始涉其流釋此纍纍印乘之渺
渺舟玉輝山氣動錦色浪花浮願以群公意稱
觴達冕旒

武陽今彭山縣

士夫稱此郡使者獨埋輪甘露黃龍瑞清風

虎仁天山通舊道江水出新津回首開明祀邦
人尚怨秦

游象耳山

人道謫仙才冰壺濯魄來語無經意處跡有讀
書臺水蹙鱗蛟見山驅象耳廻千秋空悵望石
壁長莓苔

眉州

江上望峩眉州名雅得之家傳學堂刻杜
公詩綠水玻璃色青山蒼枝他時嘗夢寐指

點問舟師

青神

不忘蠶叢教青衣更着神江門初命峽縣治屢
通津且喜山水好莫言風物貧羨他梅氏尉借
景問居人

中崑

青林維雀舫綠杖喚魚潭境向蓉溪入橈從木
鑰探流泉隨地有石筍與天參若作此山長于
心無不堪

嘉州

洞穴龍泓隱雲霄鷲嶺開諸峰成九頂沫水讓
離堆片月平兔戍千秋爾雅臺清音殊未已應
待後人來

又

明月湖邊路流花自有亭津頭銜壁素水色濯
衣青佛峽高僧鑿神房玉女扃峩眉還有約未
可卽揚舲

游峩眉歌

君不見太行誠險阻西蜀峩眉羞與伍又不見
雪嶺長晶瑩來映峩眉一段青禹貢蒙山此稱
首梵語勝峰傳日久洞天列在位之七秀色甲
乎州有九君不見軒轅氏跪謁皇人叩玄旨又
不見鬼谷子著書珞球藏洞裏隴西仙人宿山
圖採藥山中顏色殊葛由賣羊從此去接輿歌
鳳胡爲乎君不見子規啼處竇誼悲夜啼竹裂
人不歸又不見崑崙伯仲未可分逸少曾詢周
撫軍唐家子昂稱詞伯青蓮居士李太白往往
見諸吟咏間白頭欲返青山宅豈是峩眉善如
人江水茫茫難問津我今來遊亦偶爾不然惆
悵蜀國將三春三春花已謝木冰猶未嫁五月
披重裘四時無一夏娑羅鬪雪開松枝受風亞
山僧如故常客子驚云乍乍見湯遲迴人生不
再來足篆符文水身居光相臺井絡金莖下天
門玉蕊開願言獻北極千秋萬歲杯

峩眉頂銅殿敬述八韵

此山已多勝金殿益竒異震南價懸殊四照開

罔墜絕頂寂無上西方復相配雪嶺來蕩滴雷
洞映蒼翠日月互光明鳥獸相隱避璀璨皆五
色貞堅惟一氣雖云陶鑄能寔由願力致古今
不壞相世間稀有事

犍爲

犍爲古郡名歷此覺含情況乃神仙令自言山
水清伏犀灘下出大鹿縣前鳴已別子雲宅欣
然聞舊城有子雲城

戎州

夏月葵榴盛戎城籬落間人行五尺道郡對七
星山綠荔綠涯覆黃魚映水還使君筇竹杖貽
我意能閒

南溪

昔日嘉州守南溪有別廬至今詩尚在懷古意
何如岑參也問渡騰龍上還丹景霍餘此山多木
葉隱隱自成書

江安

魯直來過此曾題偶住亭鏡山綿口白天谷漢

石倉詩補 卷二十一
陽青井市多于縣蠻碑半失銘撫綏今日政無
愧是江寧結爲合君

納溪

縣驛地相對中灘流雪漸宋江遙吐納唐俗舊
羈縻鹿石通芒部魚漕接藺司邇來稱結局何
以起瘡痍

瀘州

壯郡過三蜀中流出兩資龍沉伯奇死鳥落武
侯悲猿口含茶葉鄉心觸荔枝是日王侍御方以此菓見餉

山恨不轉東漢是蘭祠

合江

鷄鳴已解橈瞬息早烟橋合江橋名巴俗符關近夷
歌鯨部遙江明先絡渡石掛許由瓢不盡懷賢

思臨風采昔謠

江津 通播州向時駐師于此

錦里遡江源江中有七門牧羊人已去征馬士
偏屯香草登樓氣金釵渡水痕遙望夜郎道應
有未招魂

渝州遇龍蔗孺太守同登城樓

三年居蜀郡茲日見巴人閬白迴成字流黃出
是塵縉雲山際合明月峽中新海內論形勝天

生此地真

諺云天
生重慶

太守風流者相逢揖古今橋官依北府塗后始
南音結舫為居室催粧有墮林政閒無一事日
日上樓吟

長壽

下邑過長壽遺風詠樂温眼青巾子穴頭白老

人村倒洞魚遊急高砧畜牧繁魯恭多惠政今

日可能存

縣令魯
君也

涪州

枳縣當三峽巴梁對兩渠丹臺秦婦築刀斗漢

軍書李渡牽詩思涪江咏謫居

為太白
魯直也

泝舟如

可入便問武陵漁

鄂都

平都稱福地隔水有仙潭白鹿迎佳客青牛度
老瞞嶺頭天為拭林氣午猶含奕者何時已風

吹落石楠

忠州

客問雲根驛名之自少陵淙淙鳴玉礪白傳到
來登樓上陰垂荔杯中淥引藤南賓不寂寞詩
賦共峻嶒

萬縣

水陸
所會

魚泉為舊縣騎路亦曾過片石渡渠隱方池萬
頃多我眉雞子卜銅鼓竹枝歌不識何年代岑
公隱薜蘿

雲陽

胸臆炎方盛來時馬首盤記留隱士讖泊在使
君灘樓似仙居好燈明鬼火寒羨他為驛宰名
署五峰看

夔府

江山夔子國禍福益州門天鎖三巴盡雲開八
陣昏魚人基始見象石諺無存揮手鳴榔去飄
蓬無定根

瞿唐峽

石倉詩補 卷三
白帝城頭望瞿唐在此中
崕牙雙石黑袒臂一
山紅五月行舟忌千夫
破浪雄猿聲聞漸近知
是楚王宮

巫峽

連連三峽起茲峽獨逶迤
朱鳥無中日亥猿有四
時峰巒咸恠狀樹木盡
交枝神女知何處無
由夢見之

秭歸峽

秭歸峽稍減復苦有新灘
遠望如牛狀中開似
馬肝放舡湏惡少過廟
卽平安又屬荆南郡猶
云蜀道難

下牢

極目望南郡驚心聞下牢
雖然出瀧峽仍復戒
風濤物色皆殊致舟形亦
改操山根不見岬何
得水痕高

山中 荊州別吳元翰

右軍思入蜀何事空躊躇
欲識故人意宛然當
日書壯遊君得遂光景嘆
竒絕行樂錦江水高

卧裁眉雪予歸君亦休五月下荊州瞿唐如馬
大巫峽近猿愁湘水暫留滯家林應早至述與
山中人知有世外事

哭袁中郎

荆巴稱接壤不久訃音聞沙市白如雪泉臺渺
若雲題名山吏部歸塋左將軍誰識金陵寺存
亡便此分

別吳明遠

客問後來秀余聞當此人禮于床下拜詩去筆

間塵巴峽同歸路瀟湘獨問津千秋吊屈意詞
藻每能新

遇葉循甫

欲游武當
挽其東下

送客去瀟湘仍留客在杭詎將吟席冷轉覺酒
杯長暑月非遊候江風且納涼金陵徵舊事夢
寐不能忘

岳州

湖水入江處都無分別時幾村成斷岬小艇待
家移一抹君山小三湘客思悲岳樓難再上祇

咏上樓詩

陸口

陸遜屯兵地東堪望武昌烏林棲月黑魚岳插
波涼幾夜家相失孤舟泊一方向來經戰伐安
得視尋常

泊舟漢陽歐惟玉邀上晴川閣

漢口月上時武昌鍾動初故人携酒至同且上
樓居隔江燈火密映此松篁踈浪喧渡斯絕颺
動扇已除山明大小別水帶巴蜀餘境雖有仙

俗勢盡凌空虛芳洲正平賦咏罷復躊躇

游潯陽霍問湖

有浸月亭
何郡伯作

此去匡山路南湖欲泥人月中倒影下靜裏愈
相親霍問烟霞族魚游楊柳津使君落成日心
境已超塵

送汝載叔先歸

從來送我叔早是望荆扉卽此嗟何及寧論意
有違九江寄家室匹馬走京畿付託將書卷安
心得所歸

蜀草卷之下

石倉詩稿

雪桂軒草

壬子

閩中曹學佺能始著

潯陽邢懋禮典卿閱

曾孫岱華重梓

雪桂軒花開得語字

桂樹山之軒予昔擇而處顧此山中雪盈枝何
 楚楚去歲花開時山川蜀道阻臨風祇相思馨
 香落何所暮春歸林下棲息淹時序月明花正
 發露下清且涸飄飄入人衣採摘盈筐筥料全
 久要義形影盍相與隱者信可招胡愧騷人語

入雙栢蓋

積翠宛成規
亭亭向客披
隨風過鄴下
避雨學秦時
衛足同葵智
凝香待鳳窺
長生如不謬
寧惜寸陰移

桂幕

雙桂貌輪囷
重陰密似春
中秋纔落子
盡日可留賓
帶拂蘿應長
鈎懸月尚新
石家金谷妓
何事覓香塵

僧寮梵唄

客徑日留客
客多僧亦多
經行時獨往
禪誦亦相和
夕露爲之引
秋雲並一過
魚山卽此是
何必謝東阿

村舍松燈

城村奚必問
寂處便成村
夜火掛深樹
貧家無復門
似螢長滯冷
疑燒不生痕
明滅何時定
觀空有相存

澆花噴壺

錯認沽來醞
詳觀器乃欵
入池蓮在手
映月雨

成絲有法堪同潤無言若翹遲雲霓何必望卽
此是秋期

缸中小山

雲疑生處巧水似積來深獨樹見山活四圍何
路尋月明無倒影魚戲或穿心別有人間世應
從物外臨

空中樹影

平田樹影落山口月初上相望復何許但有臨
空想微塵爲聚墨幽渾似垂網秋霜若漸零不

覺日疎爽

嶺外鐘聲

客到平臺上鐘聲若有期但從蒼嶺發已被白
雲知明月來相徧空江去獨遲老僧趺坐久亦
似不聞時

盆中小桃

彼姝何綽約猶喜詠將鶻微影不着地臨風苦
落珠青陽如未歇素靄宵相扶倘遇金門隱還
偷入漢都

初秋潯陽客園鍾叔靜見過同郭衛邦吳
明遠分賦得我字

間居絕人事門逕生蓬顆林鷺時復啼秋雲不
有墮之子勞見訪扁舟自江左紀游無俗韻談
詩具風雅嵇生懶已成郢客和云寡樂此新相
知渾然爲故我知君有歸思欲發猶不果持將
平生歡信宿馬能寫

江州七夕同郭衛邦吳明遠分賦得聽字
豈必乘槎望臨空有一亭渡頭分八派木末動
雙星楚色侵雲白煙鬟隔水青誰家向明月哀
怨曲中聽

登曠然亭

湖水亦何遠之江循此亭群林皆映雪孤嶼若
棲星楚竹洲邊綠湓雲驛畔青試看飛鳥路此
去幾時停

送畢貫之入洛中請社

石門已宴坐其趣莫能窮復徧求良友偕來學
遠公問予耽寂寞爲法厭虛空送送匡山色清

波百里中

答鍾叔靜

客園借佳詠，丘壑有餘音。應識舟中趣，繫余林表心。竹籬關月色，蔬圃落秋陰。別後還闔去，入山知更深。

鍾居易過訪

伯氏久相慕，秋來逢次卿。扁舟自江漢，一鴈有音聲。徑倒中郎屐，人知第五名。白門尋舊侶，偏喜在湓城。

喜林茂之至

之子秋爲期，八月始予嫁。庭鵲代人言，山猿出相逐。會晤猶在茲，景光迺云謝。波濤一何廣，林樹漸多罅。孰徑任苔生，新亭隨鳥下。露重感蕭辰，月盈惜佳夜。理詠久寂寥，聞蟬日銷化。丘壑喜獨存，簪纓悔遲罷。可與智者道，不然愚也詐。中秋對客共成短歌得弄字

江月欲來山意動，千林萬樹影相弄。客園秋色最關情，今夕平分誰得共。金陵有客乍云過，對

石倉詩集 卷二十一
月開樽爲客歌月光如照離人面寧可衰楊及
敗荷

十六夜步月共用輝字

清宵不看月誰忍負秋輝林壑欲相亂江風來
甚微名香生道念落葉點山衣池上枝枝鳥天
涼同客歸

十七夜待月得深字

欲缺意猶淺待來愁已深未堪頻入戶聊可一
微吟露沸茶盈盞風香桂襲襟江城足幽韻猶

自動歸心

十八夜待月得呼字

月色相連好今宵年有無已看夕陽淨寧畏秋
雲孤落葉因風起征鴻入暝呼分明臺上望不
覺映菰蒲

惠山泉烹羅芥分得緩字

暑徂秋旣涼吳船亦何緩云自錫山過載水船
幾滿余久懷此味肝脾爲病瘡况迺陽羨茶收
藏固甚罕何幸與之并忽如得佳伴僑居信寡

存者言和 卷三十一
營日夕可相款勿謂九江側不容一人懶

和吳明遠霜降日憶內同林茂之賦

春明祇暫出誰分及秋深花時感蓬鬢霜氣襲
蘭襟錦字行行淚文機縷縷心楓亭樹變色溢
浦鴈初音昔作臨邛客遲歸季子金聊因青女
降一寄白頭吟

九日潯陽宴別

桂樹花殘復作陰輕霜幾點落衣襟自然要到
登高會何事能忘賦別心墻內梧桐成古色沙
邊鴻鴈亦清音秣陵有景不東下歸向閩山烟
霧深

再別茂之居易

僕輩知難別先將卧具携江城隔水次露坐在
林西夢勿過湓浦歸當入建溪春明期見訪端
的是幽棲

答樊山郡邸孟嘗

若識世情澹似吾今兩人匡山思結夏斲水問
迷津僧到無言別神將有道親悠然不盡意持

此欲歸闕

潯陽南湖同喻宣仲林茂之陸赤侯散步
夏日棹湖水入冬寒草生漫論花鳥態轉覺山
川情一鴈浴殘壑雙峯銜片城友朋此相就稱
意是閒行

館中看月

夜談僮僕寢餘興出門看明月入心好清霜對
面寒雖然一亭裏恰似半江殘靜動且復起鳴
雞聞幾番

同宣仲赤侯到吳君掄山館

偶因冬日暖覽眺在城南仙館題文杏書齋倚
石楠湖光疑有迹野氣生成嵐好鳥信幽獨寒
花惟兩三人家幾層見古寺亦相參小頂欣斯
陟平岡步復談暮山開向紫霜木卧猶酣歸路
有新月正須行未諳

范東生陸赤侯雪中游匡廬予壯之作詩

以送時東生復有滇南之役因寄鄧遠

游侍御

石倉詩集卷三十一
疊嶂自嚴冬游人徑已封洞中僧長髮嶺上雪
過松寂寂匡君意蒼蒼五老容不能偕客徃微
興一支筇

其二

再游非不可吾志欲終焉子有勝情者能無征
路懸南雲池水上西塞夕陽邊若對同心說毋
忘叢桂篇

初度日送鄭季卿林茂之往金陵

初度聊相慰玄冬復問津邇來年歲長祇覺友
朋親林樹烟迷晝江關雪際春無論去與住總
是未歸人

雪桂軒晚霽同宣仲叔虞作

人心喜晴霽夕雨始知之萬事盡趨歲卑棲同
此時雪消纔到僻月出不妨遲坐對空軒裏茶
烟裊桂枝

復雨留喻叔虞

山雨無時至空中帶雪飛歲殘苦泥濘晴穩謝
寒威池淺不勝水林重更作扉猶能一事好客

石倉詩林 卷三
子阻言歸

辛亥除夕同梅子庾喻宣仲叔虞陸赤侯

時予方
舉次兒

潯陽重度歲山館勝江邊兒輩有兄弟朋來無
後先故鄉猶此味旅思亦悠然徙倚嵇亭畔予
懷林竹賢

壬子元旦和宣仲叔虞作

派渚傳春至山扉暎曉開客懸巴蜀路館借豫
章材舊禮豈盡廢新詩聊一裁少年能美好漸

不鏡中來

同梅子庾喻宣仲叔虞陸赤侯過邢典卿

長松館

卜居何以勝勝處在深潛且有里云美其子予
也兼散幽梅已露山翠竹能添似子爲偕隱定
無猿鳥嫌

立春移柳

開籬作韻事移柳見春陽乍得臨池上猶驚在
路傍嬌催鶯意動綵借燕形藏便可古風轉偏

宜其日長隔林疑束素就鏡欲舒黃別後王孫
思非徒芳草傷

春夜試新燈

百花相競節定有幾枝開錦色分湓浦瑤光自
鏡臺祇堪鬪初月猶未落寒梅乍見容何怯橫
陳畫更催梁間爭恨遠掌上且徘徊若謂無情
者偏應妬後來

燈後月好過長松館

客行蛇徑裏人卧鳥枝邊上下竹聲動微茫山
影立梅花近池水月色帶江天清夜此云樂不
知心境遷

元夕

久雨晴偏好更逢三五宵繁華乘月吐佳勝爲
人招林氣羞燈燄池光學舞腰行時皆樂境坐
處卽仙橋谷靜隨群響花鮮集故條潯陽江水
濶從此到春潮

送龔克廣內弟北上

自昔悼亡後見渠兄弟親且禁十年淚來謁九

江春遇物懽應減知予老是真別時看桂樹願
擢一枝新

新樓成題別

十載江湖夢此樓樓成誰信在江州匡君卧處
渾無恙陶令歸來可自由日遠楚波芳草思春
深蜀道杜鵑愁登臨幾度卽離別別後依然夢
裏游

別喻宣仲

林居猶未熟欲出客先歸蜀路重行懶交情半

世稀他山存晚計此別記春衣棹入章江去輕
苔狎釣磯

錄戊巳江上詩

采石登太白樓

我行巴子國再上謫仙樓此去長江路公多遺
跡畚洞鳴如水樂雪積遍山郵西蜀彰明里應
爲訪故卽

蕪湖二首

客問鳩茲地蕪湖七里長春秋惡征戰吳楚啟

封疆館驛臨江左，僑居盡洛陽。尚餘赭山石，猶屬古舟揚。

樂府湖陰曲，王敦夢日窺。君王乘駿急，將士玩鞭遲。晉壘相持處，吳波不動時。空聞可兒歎，說與塚傍知。

同郭聖僕過後太學齋頭

齋頭別有徑，不使里人諳。竹影閉幽獨，梅花開兩三。出門尋故蹟，宴坐得清談。蓄茗猶新摘，寒鑪沸雪潭。

螺磯吊孫夫人

夫人遷故土，西蜀不思還。俎豆多魚史，駮乘有鶴班。額爲靈澤廟，泪盡大江關。先主園陵在，無因想珮環。

魯港阻風東王水部

昔時魯明仲，寄跡在湖陰。漁釣無非隱，風波負此心。石碓分小渡，江吼出層林。署裏梅花發，能無費苦吟。

荻港

石鐘詩和 卷三 遺林草 三
伐荻風聲亂舟行指顧迷三山成市集夾港互
橋隄成對濡須塢灣臨春 溪漲痕高幾尺強

半樹梢齊

是年江岸
多被水災

銅陵

葉杏山崗堰梅根渚少烟爲魚從古歎置冶迄
今傳大小牛欄固東西鵲岸連五松山下媪能
醉李青蓮

池州望九華山

九華山色好盡落貴長池彩翠真堪掇圖經若

再披立于官渡側恍與仙游期采食昭明地塞

蘭吊古祠

樅陽

桐栢分流出樅陽古鎮過曾聞漢武帝來作盛
唐歌月出雲稜小山浮水面多惜陰亭尚在豈
得復蹉跎

皖城訪阮堅之

舟過山口鎮屢作石尤風縱是一帆好將無三
語同集賢名敢負吹黍律應窮安得相携手凌

石倉詩集 卷三十一
寒問皖公

大雷

高岸居人少窮蘆水鳥猜峰頭皆積雪池界忽
驚雷欲吊匡君墓廻看皖伯臺鮑昭書與妹情
緒豈堪裁

泊宿松江

桑落洲中盡松滋邑處偏小孤寒更峭彭蠡濶
將連野泊憂殘歲巖居識古仙仍聞數千里纔
得到西川

彭澤

禹貢稱彭蠡昔多陽鳥居縣山全跨鳳洞石半
垂魚雪港茜花死春洲楊葉疎淒涼陶靖節五
斗歎歸與

湖口悼妾

人生七情具哀怨獨我優妻妾無一在孑然此
身留卿年纔二九適予方四秋形容旣婉變性
質亦溫柔雖爲閩人婦里名知未周雖借蜀中
役半途相棄休罔念子母單兒女誰分憂永訣

無暇及吞聲
泪橫眸平生多拘畏
歿後豈自由
金陵辭故宅
湖口成荒邱
芳魂不予捨
寧隨三峽舟

因錄憶悼婢詩

婦亡三載後
一婢不能存
薄宦少情況
新衣多泪痕
來從螺女渡
塋卽鳳臺門
但作空花相
斯爲報佛恩

應叅知招集龍池寺

亦遠公道場

泊舟對寺口
一徑似垂藤
院內雨聲暮
門前池

水冰津途誰捨筏
暗室或傳燈
爲問東林社
還開酒禁曾

莊民部招集庾樓

江州稱勝處
最是庾公樓
月照七層嶺
霜澄九派流
後先同署誼
寬解異鄉愁
新歲春花發
還陪錦里游

湓浦舟中除夕

客舟除夕傍寒梅
廬阜高僧復見陪
靜聽蓮花殘漏滴
誰傳柏葉一樽開
半生踪跡看成幻
三

石倉詩集卷二十一
婦粧奩化作灰但道春光不相負明朝還逐九
江來

元旦立春

元旦逢春是故鄉十分行樂始相當如何旅泊
孤舟外坐對屏風九疊傍蜀客懸懸閩地夢新
年轉轉舊愁腸香山白傅風流盡寂寞匡山有
草堂

上元紀事

月出東南五老峰上元燈影照重重謝端螺女
江邊見曹著匡山廟裏逢若爲粧成較清淺縱
然心妬未從容應知後夜夢魂好不怯西林前
澗鐘

發江州別廬山僧

呱呱辭山僧行行之蜀道因歌蜀道難愈覺匡
山好老僧寂無言隨機爲向廩山光信有情遠
向帆前倒

蘄州

地首居三楚山應辯四流梅花猶夾岍蘄竹此

名州郡圃多環翠江源出大浮禽言使君好勿
以死爲憂用蘇子瞻禽言
輓王元之事

蘭溪驛

陸羽耽茶癖蘭溪石下泉風香值時巧雪色望
中玄古驛春雲積空亭夕照懸所期王逸少濯
筆鳳山前

富池

曾聞富池水不減武昌魚監卽孟宗宅山爲平
子居種荷彌覆望捲雪入空虛旅泊斜陽後閒

行隨所如

道士泐

山名西塞險石壓大江流未得移舟近空然招
客游寒林遮土泐春雪散花洲歸買磁湖隱應
懷蘇子由

黃州謁東坡祠

二月過黃子孤舟繫客亭江平舒凍柳石險礙
春星芳草淮西綠群山夏口青子瞻祠尚在應
爲叩巖扃

望武昌

遙望武昌縣西門柳色長龍蟠聞片石鳳集見
茲鄉寺向寒溪入亭因廣宴張迴颿搥甚急已
過釣臺傍

團風鎮

古戍三江合岐亭分鎮來七磯巴港口二別漢
川隈石罅皆生草風前盡落梅南堂遺徑在誰
問海棠開

陽邏

相傳蜀先主約孫吳合
兵日夕遣人偵邏于此

風濤苦不息陽邏泊臨灣過此卽清夜冷然望
楚山東流三峽水北拒五胡關夙昔孫吳契相
依在此間

江夏懷古

鄂渚城邊欲暮春登臨隨地布花茵編來楚服
多吳戍望去江關對沔津石鏡懸崖升費禕蘭
亭曲水傲蕭綸仙踪物態俱陳迹好慰相思采
白蘋

朝宗江漢合流清三國雌雄決戰爭節使儼臨

江夏郡衣冠僑立汝南城東山月出茶烟裊南
浦烟籠柳色輕海內流傳鸚鵡賦至今猶自憶
狂生

赤壁

曹公戰敗處黃祖計應微燒發鳥林岸江連赤
壁磯空枝無鵲遶殘卒似星稀遙憶樓船盡蒼
茫吟緒違

簞洲苦風

地形迴複風色不常
常俗名拘簞洲

客帆辭鄂渚神洞出荆泉四顧皆高岼經旬無

好天樵風誰利便郢雪或迴旋最羨爲漁者安
心逐浪眠

由鴨欄至巴邱登岳陽樓

欲問巴蛇塚先過鬪鴨欄山名天岳固湖取洞
庭寬郡邑如沙聚帆檣若樹攢平生懷曠達今
日逐游觀

瀟湘水事多漁父去成歌碧草先春漲浮雲竟
日過岸卑懸邸閣關迥傍干戈今古登臨者誰
爲吊汨羅

石倉詩補 卷二十一
岳陽風土記閱久到來諳吏課漁爲業民編戶
作潭沙頭浮嶼九城脚滙江三千載湘娥怨宸
游不更南

石首

楚望山何許芳亭倚繡林石湫龍穴峻春雨鹿
湖深竹塢猶堪入槎灘何處尋獨有陽岐隱能
諧高尚心

公安訪袁中郎不值

孱陵爲重鎮先主號公安細草倉城煖重湖邸
閣寒堤方如斗步水碧似油看寂寞東山宴經
時起謝安

江陵懷古十絕

楚子名聞自嚙熊中原霸業逝稱雄荆山筭路
無尋處坐聽笙歌沸渚宮

城郢遺言出子囊叔敖碑版亦相望漫云楚國
多賢相自是春秋惡啟疆

楚王陪葬幾多墳獨有樊妃諫獵聞欲酌椒漿
何處是萋萋芳草覆寒雲

漢壽亭侯百戰灰焚城力盡漢江隈糜芳已作
降吳虜擲甲山頭恨不回

江陵城脚遶靈溪杜預來攻血作泥行人但說
陳遵巧聽鼓聲中辯築堤

南郡桓溫幕府開西山爽氣自朝來王猷漫說
參軍事手板時時拄頰回

龍山九日此登高落帽何人氣最豪宣武已亡
賓從散荒臺無主長蓬蒿

脩竹亭西畫扇峰十間花屋亦春容湘東好事
稱蕭繹楔飲山堂起暮鐘

宋玉誅茅故宅基羅含庾信亦居之詞人氣顛
多相許又見悲秋杜甫詩

亭臯花月咽沙頭極目沮漳二水流吊古依人
無限恨當時王粲獨登樓

三月三日同喻叔虞袁小脩夏道甫集章
臺寺脩禩

不到章臺寺春光信若何閒行大隄上聞是古
城阿異代思荆楚遺風遡永和沱香猶故井脩

石倉詩補 卷三十一
三
襖恰清波古樹開新葉紅花出碧蘿晝分林衲
餉時聽路人歌意似孤峰盡天隨四野多賞心
能再至竟日足蹉跎

江陵別喻叔虞

不信風波事舟中相對看心過破冢碎春入渚
宮寒巴蜀無平地行藏日兩端期君來見訪未
敢復言難

寄答鍾伯敬二首

蜀道難行久鍾期復見今相思能命駕獨恨失

知音月峽秋光遠星橋夜色深無人窺寂寞去
對草堂吟

信達匡廬隱情同江漢流征途凡屢改夙約不
能酬堯李過時憶風波當日愁荆門一回首惟
有仲宣樓

寄答蔡敬夫

時分部
澧州

歸計蕭條行路難匡廬山下卜居安殘冬過我
門如水今日思君澧有蘭三楚烟嵐稀晝景孤
舟風雪耐春寒此身只合投巖壑何事棲遑戀

一官

荆門題信

虎牙江上石突出是荆門漸入巴人語能銷楚
客魂征途隨落日別思問啼猿已隔潯陽館題
書況故園

題臨海王公老師定播東征冊子

太守單車入虜營夜郎君長願輸盟苗民逆命
終來格 聖主何心欲用兵縱使蠻荒成漢郡
空留鬼火照江城至今聞有巴渝曲只誦王堂

政治聲

其二

島夷猖獗擬天驕假節觀軍遠度遼左氏春秋
推杜預漢家弓矢賜嫖姚揚旌晝掩扶桑日奏
凱晴喧鴨綠潮自昔功成辭上賞東山高處赤
城標

寄題左蠡神廟

宮亭漫說會分風左蠡揚瀾勢更雄隱豹自然
成采色相烏真覺轉虛空留題日月瞻 明主

導引瀕臯失老翁
雨霽颺寧雲霧息
澄湖如鏡
月明中



